

四庫全書

集部

欽定四庫全書

集部

文選卷五十八至六十

詳校官庶吉士<sub>臣</sub>汪彥博

助教<sub>臣</sub>常循覆勘

總校官檢討<sub>臣</sub>何思鈞

校對官編修<sub>臣</sub>勵守謙

謄錄監生<sub>臣</sub>張泰

欽定四庫全書

文選卷五十八

梁蕭統編

唐李善註

哀下

宋文皇帝元皇后哀策文

沈約宋書曰文帝元皇后諱齊嬀陳郡人左光

穆大太子公璉之庶女也通太祖生太子劭上

陽殿詔前永嘉太守顏

延年為哀策文

顏延年

惟元嘉十七年七月二十六日大行皇后崩于顯陽殿

周書曰謚者行之迹是以大行受大名細行受細名風俗通曰漢帝新崩未有定謚故總其名曰大行皇帝行

下反 粵九月二十六日將遷座於長寧陵禮也龍輅

輅離 綉容翟結駟

龍輅山飾也容翟吉儀也儀禮曰遷于祖用軸鄭玄曰遷徙於祖廟也軸

輅軸也狀如轉輪刻兩頭為輅狀如長林穿棹前後著金而關軸馬天子畫之以龍也棹餘征切韓詩曰輅

繫也鄭玄儀禮注曰引棺在輅車曰綉甫勿切劉熙釋名曰容車婦人所載小車也其蓋施帷所以隱蔽其形

容曹植宣后誄表曰容車飾駕以合北辰周禮曰王后之五路重翟錫面朱纓厭翟勒而續總皆有容蓋鄭司

農云容謂帷車也鄭玄曰蓋如今小車蓋也王逸楚辭注曰結連也連駟言將行也鄭玄詩箋曰駟兩駢

塗照烈神路幽嚴

皇塗吉制故曰照烈神路幽嚴

皇帝親臨祖饋

躬瞻宵載

周禮曰喪祝掌大喪祖飾棺乃載鄭玄曰祖為行始也其序載而后飾白虎通曰始載於

庭輅車辭祖稱也

飾遺儀於組旒淪徂音乎珩

珩

毛詩曰素組之鄭

玄曰以素緣為縷縫之旌旗以為文飾旌旗以銘功也楊雄元后誄曰著德太常注諸旒旌尚書大傳曰太師奏鷄鳴后夫人鳴珩玉於房中告去毛詩離佩以悲補贈之毛萇詩傳曰珩有珩璜珣珤音居珣音為悲補

筵之移御痛輦禴

招之重晦

周禮曰大朝覲王設次席黼純大曰司服掌王后之

六服禕衣禴狄鄭玄曰禕衣畫輦者也禴畫鷄者也禴與鷄並以招切

降輿客位撤奠殯

階

降輿謂祖載之時輅降於車也儀禮曰主人入祖乃載鄭玄曰舉輅却下而載之禮祀曰殯於客位祖於

庭儀禮曰屬引徹奠乃祖鄭玄曰屬者也引徹乃命車也禮記曰周人殯於西階之上則猶殯之

史臣累德述懷

鄭司農周禮注曰誅謂積累生時德行賜之命為其辭也

其辭曰

倫昭僊升有物有憑

言天地未分之前已明倫匹之義人升僊之道皆有物象有

所依憑毛詩曰天生蒸民有物有則鄭玄曰有物象也左氏傳曰石言於晉魏榆師曠曰石不能言或憑

焉劇秦美新曰上覽古在肯有憑應而尚缺

圓精初爍方祗始凝

言天地始分也

呂氏春秋曰天道圓地道方何以說天道之圓也精氣一上一下圓周復雜無所稽留故曰天道圓何以

說地道之方也萬物殊類形皆有分職不能相為故曰地道方郭璞方言注云爍言光明也淮南子曰清

陽薄靡而為天重濁凝滯而為地

昭哉世族祥發慶膺

祥發猶發祥也毛詩曰長

發其祥慶膚猶膚慶也幽秘儀景胄圖光玉繩秘其  
通賦曰王者膺慶於所感

而生景胄圖其容光而升玉繩廣雅昌暉在陰柔明  
曰圖度也沈約宋書曰宋有玉繩殿

將進尚書曰邦乃其昌孔安國曰昌盛也周易坤陰  
物也又曰坤妻道也又曰順而麗乎大明柔進

而上率禮蹈和稱詩納順南都賦曰率禮無違論語  
日禮之用和為貴史記曰

陸賈時稱詩書毛詩曰予以采蘋又曰予以采藻鄭  
玄毛詩箋云蘋之言賓藻之言澡婦人之行尚柔順

自潔清故取名以為戒禮記曰婦順者  
順於舅姑和於室人而后當於夫也爰自待年金

聲風振左氏傳曰叔姬歸于紀杜預曰至是歸者待  
年於父母國也孟子曰孔子之謂集大成也

者金聲亦既有行素章增絢女子有行遠父母兄弟  
論語曰子夏問曰巧笑

脩兮美目盼兮素以為絢兮何謂也子曰象服是加

言觀維則

詩曰象服是宜又曰言觀其旂又曰象嘉維則

俾我王風始基嬪

德

毛詩曰覆俾我悖尚書曰二女于媯汭嬪于虞

惠問川流芳猷淵塞

蔡

袁公夫人碑曰義方之訓如川之流毛詩曰仲氏任只其心塞淵

方江泳漢動謠南

國

毛詩序曰文王文道被於南國江漢之域無思犯禮毛詩曰漢之廣矣不可泳思江之永矣不可方

思毛萇曰方狩也

伊昔不造鴻化中微

謂少帝之時陸機詩曰伊昔有皇毛詩曰閔予

小子遭家不造東都賦曰鴻化惟神魯靈光殿賦曰遭漢中微

用集寶命仰陟天璣

謂

帝即位也尚書曰用集大命又曰無墜天之降寶命天璣喻帝位也尚書考靈耀曰璿璣玉衡以齊七政尚書



為此璣曹植秋胡行曰歌以永釋位公宮登曜紫闈氏左

言大魏承天璣然璣與機同傳子朝曰諸侯釋位以問王宣禮記曰古者婦人先嫁三月祖廟未毀教于公宮魏明帝苦寒行曰修德乎紫

闈八月自懷柔欽若皇姑允迪前徽尚書曰欽若昊天爾雅曰婦稱夫之母曰姑尚書曰

允迪厥德孝達寧親敬行宗祀毛詩曰歸寧父母母毛詩序曰母在則有時歸寧毛詩序曰

夫人可以奉祭祀則不失職矣進思才淑傍綜圖史毛詩序曰關雎樂得淑女思進賢才

王肅周易注曰綜理事也班婕妤好自傷賦曰陳女圖以鏡鑒顧女史而問詩發音在詠動容

成紀國語泠州鳩曰詠之以中音孟子曰動容周旋中禮者盛德之至也成紀見下注壺政穆

宣房樂韶理爾雅曰宮中巷謂之壺禮記曰古者天子后立於宮以聽天下之內治方言曰穆信

也儀禮曰有房中之樂鄭玄曰絃管周南召南之詩房中者后夫人諷誦以事君子禮記曰韶繼也如淳漢書

注曰今樂家五日坤則順成星軒潤飾韓詩曰淑女奉一習樂為理樂也坤則順成星軒潤飾順坤德成其紀

網周易曰坤順也漢書曰軒德黃龍體前大呈女主象也德之所屆惟深必測尚書曰惟

德動天無遠弗届卞蘭太子頌表下節震騰上清眇側曰道無深而不測術無細而不數

言后道得宜即地安靜而月合度也漢書李尋曰月者衆陰之長妃后之象春秋感精符曰月者陰之精地之

理也國語曰幽王二年三川皆震毛詩曰百川沸騰山冢萃崩尚書五行傳曰晦日而月見西方謂之朏朔而

月見東方謂之側匿鄭玄曰朏猶條達也條達疾行貌側匿猶縮縮行遲貌有來斯雍無思

不極毛詩曰有來雍雍又曰無思不謂道輔仁司化莫

服孔安國尚書傳曰極中也

謂道輔仁司化莫

晰

之逝切按韋秀四言詩曰乾道輔仁坤道尚冲思玄賦曰死生錯而不齊雖司命其不晰說文曰昭晰明

也

象物方臻

視

稷告沴

靈細切按周易曰九樂六變而致象物鄭玄曰象物有象

在天所謂四靈也非德之和則不至也周禮曰賦稷鄭玄曰稷陰陽氣相稜漸成祥也漢書曰氣相傷謂之沴

臨莅不

太和既融收華委世

太和謂太平也法言曰或問太和曰其在唐虞成周

乎李軌曰

天下太和蔡邕釋誨曰皇道惟融帝猷丕顯廣雅曰融朗也委世棄世也

蘭殿長陰椒

塗弛衛嗚呼哀哉

漢武故事曰帝以七月七日旦生於倚蘭殿漢書儀曰皇后稱椒房椒塗

室亦取溫暖除惡氣也

戒涼在殭二杪秋即窆

國語單襄公曰火見而清風戒寒賈

遠曰戒人為寒備也儀禮曰死三日而殭三月而窆說文曰殭瘞也楚辭曰靚杪秋之遙夜禮記曰冢宰制國

用必於歲之杪左氏傳楚子曰唯是春秋寔少之事杜預曰寔厚也寔夜也厚夜長夜謂葬埋也寔之倫切

霜夜流唱曉月升魄

流唱挽歌也升魄祖載也禮記子曰氣也者神之盛也魄也者鬼之

盛八神警引五輅遷跡

甘泉賦曰八神奔而警蹕兮振殷麟而軍裝周禮曰巾車掌王

后之

噉噉儲嗣哀哀列辟

噉噉已見上文毛詩曰哀哀父母生我劬勞

灑零

玉墀雨洒丹掖

劉駒餘玄根賦曰致重棘以為墀

撫存悼亡感今懷昔

嗚呼哀哉

沈約宋書曰哀策既奏上自益此八字以致其意焉潘岳祭庾新婦文曰伏膺飲淚感今

惟南背國門北首山園

楚辭曰出國門而踰懷廣雅曰首向也漢書曰後徙吏二千石

之家於諸陵非

僕人按節服馬顧轅

楚辭曰僕人懷悴散若流兮子虛賦

曰按節未舒鄭玄毛詩箋曰服中央夾轅  
也李陵詩曰轅馬顧悲鳴五步一彷徨  
遙酸紫蓋眇

泣素軒

傳玄乘輿馬賦曰紫蓋漂以連翩素軒猶素車也

滅綵清都夷體壽原

楚辭曰造旬始觀清都漢書曰作陽陵邑張晏曰  
景帝作壽陵起邑漢書音義曰天子未死呼壽原邑野

淪藹戎夏悲謹

京邑朝野淪其明盛戎狄華夏悲以競誰廣推曰藹藹盛也國語火蘇曰戎夏

交梓也來芳可述往駕弗援嗚呼哀哉

齊敬皇后哀策文

蕭子顯齊書明帝敬劉皇后諱惠端彭城人也光祿大天道士

女太祖高皇帝為高宗納之武帝永明七年卒葬江乘縣張山高宗即位追尊為敬皇后高宗崩改

葬祔于興安陵高宗即明帝也

謝玄暉

惟永泰元年

蕭子顯齊書明帝改年為永泰其年七月帝崩東昏即位

九月朔日敬

皇后梓宮啟自先塋將祔于某陵

風俗通曰梓宮者禮天子斂以梓器宮者

存時所居緣生事亡因以為名凡人呼棺亦為宮也說文曰塋墓地禮記孔子曰魯人之祔也合之鄭玄曰祔

謂合葬也其日至尊親奉奠某皇帝

至尊東昏侯寶卷鄭玄周禮注曰奠獻也饋奠

明帝崩未諡故曰某

乃使兼太尉某設祖于行宮禮也

司馬彪續漢書太尉

公一人凡大喪則告諡南郊祖已見上文

翠帟舒阜玄堂啓扉

張協禋賦曰翠幕蛇連張

衛呂司徒諫曰去此寧寓歸于幽堂玄室冥冥修夜彌長

俎徹三獻筵卷六衣

杜預左氏

傳注曰徹去也禮祭必三獻周禮曰司服掌王后之六服褱衣綸狄闕狄黼衣展衣祿衣哀子嗣皇

帝懷蜃衛而延首想驚輅而撫心

周禮曰遂人大喪使帥其屬以蜃車之役

衛鄭玄曰蜃車柩路柩載柩四輪迫地而行有似蜃因取名焉阮瑀正欲賦曰佇延首以極視周禮曰安車雕而驚總列子曰師痛椒塗之先廓哀長信之莫臨椒塗已見

上文應劭漢官儀曰帝祖母為太皇太后其所居曰長信宮也身隔兩赴時無二展爾雅

曰赴至也禮記顏淵謂子路曰反其國不哭展墓而入鄭玄曰展省視也旋詔左言光敷聖

善

鄭玄禮記注曰旋便也漢書左史記言右史記事干寶晉紀魏帝詔曰三后咸用光敷聖德毛詩曰母氏

聖善我其辭曰帝唐遠胄御龍遙緒

班固漢書贊曰范宣子曰祖自虞已

上為陶唐氏在夏為御

龍氏晉主夏盟為范氏在秦作劉在漢開楚

班固漢書贊曰范氏

為晉士師魯文公世奔秦後歸于晉其處者為劉氏漢書曰楚元王交高祖同父少帝也為楚王沈約宋書曰高祖楚元王

肇惟淑聖克柔克令

詩曰令妻壽母

清

漢表靈曾沙膺慶

韓詩曰漢有遊女薛君曰遊女謂漢神謝靈運登江中孤嶼詩曰表靈物

莫賞漢書元后傳元城建公曰昔春秋沙麓崩晉史占之曰後六百四十五年宜有聖女興其齊田乎今王翁鄭鴞徒正直其地日月當之元城東有五麓之虛即沙麓地後八十年當有貴女興天下膺慶已見上文爰

定厥祥徽音允穆

毛詩曰文定厥祥又曰大姒嗣徽音則百斯男

光華沼沚榮

曜中谷

毛詩序曰采芣夫人不失職也詩曰于以采芣于沼于沚又詩序曰芣苢后妃之德也詩曰芣



之覃兮施于中谷

敬始紘紃教先種桂

列女傳敬姜曰皇后親蠶玄紘公侯夫人加之

以紘紃周禮曰上春詔王后帥六宮之人出種稷之種而獻於王

睿問川流神襟蘭郁

川流已見上文揚雄書曰賢女馨芳於蘭茝

先德韜光君道方被

先德謂明帝也韜光

謂封西昌侯之時也廣雅曰韜藏也吳志賀劭上疏曰陛下昔韜藏神光潛德東夏千寶晉紀文帝遺吳王書曰韜神光福德久勞于外毛詩序曰文王之道被于南國于佐求賢所謂無諛

毛詩序曰

卷耳后妃之志也又當輔佐君子求賢審官內有進賢之志而無險詖私謁之心

顧史弘式陳

詩展義

班婕妤自傷賦曰顧女史而問詩

厚下曰仁藏往伊智

周易曰山附於

地剝上以厚下安宅千寶晉紀總論曰仁以厚下易曰著之德圓而神卦之德方以智神以知來智以藏往

十亂斯俟四教罔忒

論語武王曰予有亂臣十人孔子曰才難不其然乎唐虞之際於斯

為盛有婦人焉九人而已馬融曰其一人謂文母也禮記曰古者婦人教以婦德婦容婦言婦功鄭玄詩箋云法度莫大於四教

思媚諸姑貽我嬪則

毛詩曰思媚周姜又曰問我諸

姑又曰貽我來牟孔安國傳曰嬪婦也化自公宮遠被南

國

公宮南國並已見上文

軒曜懷光素舒佇德

光德皆謂后也言軒曜思大明以增

曜素舒佇聖德而分彩也淮南子曰軒轅者帝妃之舍高誘曰軒轅星也劉歆有曜歷楚辭曰前望舒使先驅

王逸曰望舒月御也閑予不祐慈訓早違

毛詩曰閑予小子周易曰天命不祐晉中興書

曰肅祖太妃荀氏薨顯宗詔曰朕少遭閔凶慈訓無稟廣雅曰違背也

方年冲藐懷袖靡

依

尚書曰肆予冲人弗及知左氏傳晉獻公曰以是藐諸孤毛詩曰母兮鞠我出入腹我鄭玄曰腹懷抱也

家臻寶業身嗣昌暉

周易曰聖人之大寶曰位元皇帝哀策文曰昌暉在陰

壽宮

寂遠清廟虛歸嗚呼哀哉

楚辭曰寢將憐予壽宮王逸曰壽宮供神之處也毛詩曰

清廟祀文王也

帝遷明命民神胥悅

謂明帝即位也毛詩曰帝遷明德串夷載路國語祭

公謀父曰至於文武事神保民莫不欣喜又王孫圉曰又能上下悅於鬼神

乾景外臨陰儀

內缺

周易曰乾為君為父禮記曰后治陰德也

空悲故劍徒嗟金穴

漢書曰宣帝許

皇后元帝母也字平君曾孫立為帝平君為婕妤是時公卿議更立皇后亦未有言上乃詔求微時故劍大臣知指白立許婕妤為皇后范曄後漢書曰光武郭皇后弟況為大鴻臚數賞賜金錢京師號況家為金穴

璋瓚奚獻禕禕禕罔設嗚呼哀哉

禮記曰君致齊於內君致齋於外夫

裸尸大宗執璋瓚亞裸鄭玄曰大宗亞裸客夫人有故攝焉璋瓚夫人所執又周禮注曰裸謂以圭瓚酌鬱鬯

始獻尸也后於是以上璋瓚酌亞裸禕禕禕已見上文

馮相告侵宸居長往

謂明帝崩也周

禮曰馮相氏中士鄭玄曰馮乘也相視也東京賦曰貽馮相觀祓典引曰宸居其域察邕曰如北辰居其所貽

厥遠圖末命是獎

謂顧命令祔也毛詩曰貽厥孫謀左氏傳榮成伯曰遠圖者忠也尚書曰

道揚末命方言曰獎

懷豐沛之綢繆兮背神京之弘敞

豐沛喻帝鄉也漢書曰高祖沛豐邑毛詩曰綢繆束薪毛萇曰綢繆猶綏綿也風俗通曰秦政并吞六國苞宇

宙之陋蒼梧之不從兮遵鮒隅以同壤嗚呼哀哉

記曰舜葬

於蒼梧之野蓋二妃不從山海經曰大荒之陳象設於中河水之間鮒隅之山帝顓頊與九嬪葬焉

園寢兮映輿鍤

犯亡

於松楸

楚辭曰象設君室靜間安漢書曰自高祖下至宣帝各自

居陵傍立廟又園中各有寢蔡邕獨斷望承明而不入

兮度清洛而南遊

陸機洛陽記曰承明門後宮出

繼池

綽於通軌兮接龍帷於造舟

禮記曰飾棺君三池鄭玄曰懸池於荒之爪端若今

承雷然入禮記曰飾棺君龍帷振容黼荒鄭玄曰荒蒙也在傍曰帷在上曰荒皆所以依柳毛詩曰造舟為梁

迴塘寂其已算兮東川澹而不流嗚呼哀哉

南都賦曰分背迴塘

呂氏春秋曰水泉東流說文曰澹水搖也

藉閼宮之遠烈兮聞縉女之遐慶

毛詩閼宮曰赫赫姜嫄其德不回是生后  
稷降之百福又曰續女維莘長子維行  
始協德於蘋蘩

兮終配祀而表命

晉中興書策明穆皇后曰正位閨房  
以著協德之義辨亡論曰趙建以襪

祥協德采蘋采藻已見上文漢書曰天  
地合祭先祖配天先妣配地命爵號也  
慕方纓於賜衣

兮哀日隆於撫鏡

東觀漢記上賜東平王蒼書曰鸞衛  
南宮皇太后因過按行閱視舊時衣

物今以光烈皇后假結帛巾各一枚衣一篋王可瞻視  
以慰凱風寒泉之思西京雜記曰宣帝被收繫郡邸獄

臂上猶帶史良娣合綵婉轉絲繩係身毒寶鏡一枚舊  
傳此鏡照見妖魅得佩之者為天神所福故宣帝從危

獲濟及即大位每持此鏡感思寒泉之罔極兮託彤管  
咽移辰宣帝崩後不知所在

於遺詠嗚呼哀哉

毛詩曰爰有寒泉在浚之下有子七  
人母氏勞苦又曰欲報之德昊天罔

極毛詩曰靜女其嬈貽我彤管毛萇曰古者后夫人必有女史彤管之法

### 郭有道碑文 并序

蔡伯喈

范曄後漢書曰蔡邕字伯喈陳留人也辟橋玄府稍遷至郎中後董卓辟邕遷

尚書及卓被誅王允收邕付廷尉遂死獄中

先生諱泰字林宗太原介休人也

漢書太原郡介休縣

其先出

自有周王季之穆有號叔者寔有懿德文王咨焉

左氏傳曰

晉侯假道於虞以伐虢宮之奇諫曰虢亡虞必從之公曰晉吾宗也豈害我哉對曰虢叔王季之穆為文王卿士將號是滅何愛於虞毛詩曰我求懿德國語曰文王即位而咨于二虢韋昭曰咨謀也建國命

氏或謂之郭即其後也

左氏傳師服曰天子建國又衆仲曰天子建德因生以賜姓胙之土而命

之氏公羊傳晉獻公謂荀息曰吾欲攻郭則虞救之攻虞則郭救之如何高誘戰國策注曰郭古文號字也

先生

誕應天衷聰叡明哲孝友溫恭仁篤慈惠夫其器量弘

深姿度廣大浩浩馬汪汪馬與乎不可測已

黃石公記序曰張良

慮若源泉深不可測

若乃砥節礪行直道正辭

孔叢子曰魯人有儀公潛者砥節礪

行樂道好古仲長子昌言曰直道正辭貞亮之節

貞固足以幹事隱括足以矯

時

周易曰貞固足以幹事韓詩外傳曰設于隱括之中直己不直人蘧伯玉之行也孫卿子曰枸木必將待

隱括然後直劉熙孟子注曰隱度也括猶量也蒼頡篇曰矯正也

遂考覽六經探綜圖



緯

六經五經及樂經也國河圖緯六經及孝經皆有緯也

周流華夏隨集帝學收

文武之將墜極微言之未絕

論語子貢曰文武之道未墜於地論語識曰子夏六

十四人共撰仲尼微言

于時纓綬之徒紳佩之士

禮記子事父母冠纓纓鄭玄曰

纓纓飾也孔安國論語注曰紳大帶也禮記曰凡帶必有佩玉

望形表而影附聆嘉聲

而響和者

揚雄翼靈賦曰支附葉從表立景隨莊子曰大人之教若形之於影聲之於響也

猶

百川之歸巨海鱗介之宗龜龍也

尚書大傳曰百川趨於東海曾子曰介蟲

之精者曰龜鱗蟲之精者曰龍

爾乃潛隱衡門收朋勤誨

毛萇詩傳曰衡門橫水為

門言淺陋也論語子曰誨人不倦何有於我哉

童蒙賴焉用祛其蔽

周易曰匪我求童蒙

祛猶去也州郡聞德虛已備禮莫之能致

漢書李尋傳曰王根輔政數虛已問

尋羣公休之遂辟司徒掾

辟猶召也

又舉有道皆以疾辭將

蹈鴻涯之遐跡紹巢許之絕軌

西京賦曰洪涯立而指麾神仙傳曰衛叔卿與

數人博其子度曰向與博者為誰叔卿曰是洪涯先生皇甫謐逸士傳曰巢父者堯時隱人也及堯之讓位於許由也由以告巢父馬巢父責由曰汝何不隱汝光何故見若身也翔區外以舒翼超天

衡以高峙

李陵書曰巢名於天衡

稟命不融享年四十有二以建

寧二年正月乙亥卒

范曄後漢書曰建寧靈帝年號也

凡我四方同好

之人永懷哀悼靡所寘念

毛詩曰終其永懷毛萇詩傳曰寘置也

乃相與

惟先生之德以謀不朽之事

左氏傳穆叔曰太上僉以

為先民既沒而德音猶存者亦賴之於見述也

毛詩曰先民有

作又曰德音不忘

今其如何而闕斯禮於是樹碑表墓昭銘景

行

毛詩曰高山仰止景行行止

俾芳烈奮于百世令聞顯於無窮

典引

曰扇遺風播芳烈孟子曰聞伯夷之風者貪夫廉懦夫有立志奮乎百世之上百世之下莫不興起毛詩曰顯

顯令其辭曰於休先生明德通玄

言其明德而通於玄廣雅曰玄道也純

懿淑靈受之自天

毛詩曰有命自天

崇壯幽浚如山如淵

家語齊大

夫子與適魯見孔子曰乃今而禮樂是悅詩書是敦左氏

傳曰晉謀元帥趙襄曰卻叔可臣亟聞  
其言矣悅禮樂而敦詩書若其試矣  
匪惟撫華乃尋

厥根

法言或曰亦有疾乎曰撫我華而不食我實

宮牆重仞允得其門

論語子貢

謂叔孫武叔曰夫子之牆數仞不得其門而入  
不見宗廟之美百官之富得其門者或寡矣  
懿乎其

純確乎其操

周易曰龍德而隱者也確乎其不可拔潛龍也

洋洋搢紳言觀其

高

音告封禪書曰因雜指紳先生之略術

棲遲泌丘善誘能教

毛詩曰衡門之下可

以棲遲泌之洋洋可以樂飢論語顏淵曰夫子循循然善誘人

赫赫三事樂行其招

毛詩

曰三事大夫莫肯風夜招猶召也

委辭召貢保此清妙

言有召貢者委棄而辭之范曄

後漢書曰司徒黃瓊辟秦太常趙典舉秦有道並不應召或為台

降年不永民斯悲悼

尚書祖乙曰降年有永有不永爰勒茲銘摘其光耀韋昭漢書注曰摘布也嗟爾

來世是則是效

尚書曰予恐來世班固刑法志述曰五刑之作是則是效

### 陳太丘碑文

并序

蔡伯喈

先生諱寔字仲弓潁川許人也

范曄後漢書曰寔潁川許人漢書潁川郡有許

縣魏志曰文帝黃初二年改許縣為許昌潁然蔡邕之時惟有許縣或曰許昌非也含元精之和

應期運之數

易通卦驗曰太皇之先興曜含元精論衡曰天稟元氣人受元精孟子謂充虞曰五

百年必有王者興其間必有名世者由周而來七百有餘歲矣當今之世舍我而誰兼資九德總

修百行

尚書臯陶曰都亦行有九德禹曰何臯陶曰寬而栗柔而立愿而恭亂而敬撝而數直而溫簡

而廉剛而塞強而義孔臧與從弟書曰學者所以飾百行也

於鄉黨則恂恂焉彬彬

焉善誘善導仁而愛人

論語曰孔子於鄉黨恂恂如也又曰文質彬彬然後君子善誘已見

上文論語曰樊遲問仁子曰愛人

使夫少長咸安懷之

論語曰老者安之少者懷之

其為道也用行捨藏進退可度

論語子謂顏淵曰用之則行舍之則藏孝經曰

進退可度不徵訐以干時不遷貳以臨下

論語子貢曰惡徵以為智者惡訐以

為直者又哀公問弟子孰為好學孔子對曰有顏回者好學不遷怒不貳過

四為郡功曹五

辟豫州六辟三府再辟大將軍宰聞喜半歲太丘一年

德務中庸教敦不肅

論語子曰中庸之為德其至矣乎民鮮久矣孝經子曰其教不肅而

成

政以禮成化行有謚

左氏傳晉卻至謂子反曰政以禮成民是以息爾雅曰謚靜也

會遭黨事禁固二十年樂天知命澹然自逸

周易曰樂天知命故

不憂莊子曰澹然無極衆美從之此天地之道聖人之德也毛詩曰我不敢侮我友自逸

交不諂上

愛不瀆下

周易曰君子上交不諂下交不瀆

見機而作不俟終日

周易曰君

子見機而作不俟終日

及文書赦宥時年已七十遂隱丘山懸車

告老

漢書曰薛廣德乞骸骨賜安車駟馬懸其車傳子孫左氏傳曰晉韓獻子告老杜預曰告老致仕者

也

四門備禮閒心靜居

尚書曰賓於四門四門穆穆

大將軍何公司

徒袁公

范曄後漢書大將軍何進司徒袁隗遣人敦寔欲特授以不次之位寔謝使者

前後招

辟使人曉喻云欲特表便可入踐常伯超補三事

應劭漢官

儀曰侍中周官號曰常伯選於諸伯言其道德可常尊也環濟要略曰侍中古官或曰風后為黃帝侍中周時

號曰常伯秦始復故三事已見上文紆佩金紫光國垂勲漢書曰大司徒大司馬大司空

皆金印紫綬

先生曰絕望已久飾巾待期而已皆遂不至

列子

林類曰吾老無妻子死期將至

弘農楊公東海陳公

范曄後漢書曰太尉楊賜司徒陳耽

每拜公卿羣寮察賀之數寔大位未登愧于先之也

每在衮職羣寮賀之

衮職謂三

公也周禮曰三公自衮冕而下

皆舉手曰潁川郡陳君絕世超倫大位



未躋

方言曰躋登也

慙於文仲竊位之負

論語曰臧文仲其竊位者歟知柳下惠之

賢而不與立也

故時人高其德重乎公相之位也年八十有三

中平三年

范曄後漢書中平靈帝年號也

八月丙午遭疾而終臨沒顧

命留葬所卒

孔安國尚書傳曰臨終之命曰顧命

時服素棺槨財周櫬喪

事唯約用過乎儉

周易曰用過乎儉

羣公百僚莫不咨嗟嚴數

知名失聲揮淚

禮記曰內人行哭失聲家語曰公父文伯卒敬姜曰無揮涕王肅曰揮涕涕流

以手揮之也

大將軍弔祠錫以嘉謚

范曄後漢書曰何進遣使弔祭

曰徵士

陳君稟岳瀆之精苞靈曜之純

孝經援神契曰五岳之精雄聖四瀆之精仁明

入鈞命決曰五嶽吐精宋均曰吐精生聖人也靈曜謂天也尚書緯有考靈耀天不愍遺老俾

屏我王

左氏傳孔丘卒公誄之曰昊天不弔不愍遺一老俾屏予一人以在位

梁崩哲萎

于時靡憲

禮記曰孔子早作負手曳杖逍遙於門歌曰泰山其頽乎梁木其壞乎搢紳儒

林論德謀跡諡曰文範先生

漢書有儒林傳

傳曰郁郁乎文哉

論語文也

書曰洪範九疇彝倫攸叙

尚書箕子謂武王曰天乃錫禹洪範九疇彝倫

攸叙

文為德表範為士則存誨沒號不亦宜乎三公遣令

史祭以中牢刺史敬弔太守南陽曹府君命官作誄曰

赫矣陳君命世是生

廣雅曰命名也李陵書曰信命世之才

含光醇德為

士作程

孔安國尚書傳曰醇粹也毛萇詩傳曰程法也

資始既正守終又令

周易

曰萬物資始史記祭公謀父曰犬戎率舊德而守終純固

奉禮終沒休矣清聲遣官

屬掾吏前後赴會刊石作銘府丞與比縣會葬荀慈明

韓元長等五百餘人

范曄後漢書曰荀爽字慈明獻帝拜為司空又曰韓融字元長獻帝

初官至太僕 總麻設位哀以送之

喪服傳曰總麻十五升布鄭玄曰謂之總者縷細如

絲也音思孝經曰哀以送之

遠近會葬千人已上河南尹种府君臨

郡

謝承後漢書曰劉翽潁川人河南尹种拂嘗來臨郡翽為主簿迎之到官深敬待之然种府君即拂也

追歎功德述錄高行以為遠近鮮能及之重

直部大掾

以成時銘斯可謂存榮沒哀死而不朽者也

論語子貢曰夫子之

生也榮其死也哀不朽已見上文

乃作銘曰峩峩崇嶽吐符降神上林

南山峩峩毛詩曰維嶽降神生甫及申

於皇先生抱寶懷珍如何昊穹既

喪斯文

論語子曰文王既沒文不在茲乎天之微言圯將喪斯文也後死者不得與於斯文也

絕來者昌聞

微言已見上文幽通賦曰將圯絕而罔階論語曰焉知來者之不如今也

交交

黃鳥爰集于棘

毛詩國風文喻仕於亂時也

命不可贖哀何有極

毛詩

曰如可贖兮人百其身

褚淵碑文

并序

王仲寶

蕭子顯齊書曰王儉字仲寶琅邪人幼專心篤學手不釋卷為中書監薨

夫太上有立德其次有立功此之謂不朽

左氏傳曰穆叔如晉范宣

子逆之問焉曰古人有言曰死而不朽何謂也穆叔對曰豹聞之太上有立德其次有立功其次有立言雖久

不廢此之謂不朽也

所以子產云亡宣尼泣其遺愛

左氏傳曰子產卒仲尼聞

之出涕曰古之遺愛也毛詩曰人之云亡

隨武既沒趙文懷其餘風於文簡

公見之矣

禮記曰趙文子與叔譽觀乎九原文子曰死

文子曰我則隨武子乎利君不忘其身謀身不遺其友鄭玄曰武子士會也食邑於隨蔡邕郭林宗碑曰先生既沒魏志太祖曰孤公諱淵字彥回河南陽翟人也微

子以至仁開基宋段以功高命氏

史記曰微子開者殷帝乙之首子紂之庶

兄武王崩成王幼武庚作亂成王命誅武庚乃命微子開代殷國於宋微子以故而仁賢及代武庚故殷餘民甚欣戴之而愛馬左氏傳曰魯季武子如宋褚師段逆之杜預曰段共公子子石也褚師官也命氏已見上文

爰逮兩漢儒雅繼及

漢書曰褚大通五經為博士謝承後漢書曰褚禧字叔齊陳留尉氏

人博聞廣見魏晉以降奕世重暉乃祖太傅元穆公

魏代

褚氏未聞晉中興書曰褚裒字季野侍中衛將軍薨贈太傅元穆侯德合當時行比州壤

魏書曰陳寔德冠當時莊子曰行比一鄉深識臧否不以毀譽形言

王命論曰淵然

深識毛詩曰於乎小子未知臧否論語曰吾之於人誰毀誰譽如有所譽者其有所試矣毛詩序曰情動於中

而形亮采王室每懷冲虛之道尚書曰亮采惠疇老子曰大滿若冲字林曰冲

猶虛可謂婉而成章志而晦者矣左氏傳君子曰春秋之稱微而顯志而晦

婉而成章而自茲厥後無替前規建官惟賢軒冕相襲尚書曰建官惟

賢管子曰先王制軒冕足以著貴賤劉歆移太常博士曰聖帝明王累起相襲公稟川嶽之靈

暉含珪璋而挺曜川嶽之靈已見上文禮記曰珪璋特達廣雅曰挺出也和順內

凝英華外發禮記曰和順積中而英華外發神茂初學業隆弱冠弱冠已見

上是以仁經義緯敦穆於閨庭張叶白鳩頌曰經仁緯義王隱晉書曰汜勝之

穆敦九族蔡邕何休碑曰孝友盡於閨庭金聲玉振寥亮於區宇金聲玉振已見上文

鄭玄禮記注曰振猶動也東京賦曰區宇乂寧

孝敬淳淳深率由斯至

毛詩序曰成孝敬表

宏竹林名士傳曰山濤淳深慎嘿尚書曰率由典常

盡歡朝夕人無間言

禮記孔子曰噉

菽飲水盡其歡斯之謂孝論語子曰孝哉閔子騫人不見於其父母昆弟之言

逍遙乎文雅之

囿翱翔乎禮樂之場

劇秦美新曰逍遙乎文雅之囿翱翔乎禮樂之場

風儀與

秋月齊明音徽與春雲等潤

音徽即徽音也毛詩曰大如嗣徽音

韻宇弘

深喜愠莫見其際

晉中興書曰衛玠終身不見其愠喜表宏竹林名士傳曰山濤莫見其際

心明通亮用人言必猶於已

王命論曰見善如不及用人如用已

汪汪焉

洋洋焉可謂澄之不清撓之不濁

范曄後漢書曰郭林宗少遊汝南先過表



宏不宿而退往從黃憲累日方還或問林宗林宗曰奉  
高之器譬諸汎濫雖清而易挹叔度汪汪若萬頃之波  
澄之不清撓之不濁不可量也

袁陽源才氣高奇綜覈精裁

沈約宋書曰袁淑字陽

源少有風氣還尚書吏部郎咸榮諸晉書曰呂安才氣  
高奇又曰荀顗綜覈名實風俗澄一范曄後漢書左朱

零曰范滂精裁猶

宋文帝端明臨朝鑒賞無昧

鶴冠子曰所謂

以利刃斷腐朽

命者靡不在君君也者端神明者也神明者  
以人為本者也班固成帝贊曰臨朝淵默

袁既延譽

於遐邇文亦定婚於皇家

國語曰使張老延君舉于四方蔡邕述行賦曰皇家赫而

天選尚餘姚公主拜駙馬都尉

蕭子顯齊書曰淵少漢有世舉復尚公主

結叔高晉姻武子方斯茂如也

三輔決錄曰平陵竇叔高以經術稱摯虞曰叔

高名玄以明經為郎上計吏朝會數百人叔高儀狀絕

衆天子異其貌以公主妻之出朝同輩嘲笑焉叔高時

以自有妻不敢以聞方欲迎妻與決未發而詔叔高就

第成婚王隱晉書曰王武子少知名有俊才尚武帝姊

常山公主主毛萇釋褐著作佐郎轉太子舍人濯纓登朝

詩傳曰茂無也興書庚冰疏曰臣因循家寵冠冕當世

冠冕當世楚辭曰滄浪之水清可以濯我纓晉中升降

兩宮實惟時寶陸機謝內史表曰官成具瞻之範既著

台衡之望斯集毛詩曰赫赫師尹民具爾瞻春秋漢舍

曰實惟阿衡左右商王出參太宰軍事入為太子洗馬俄遷祕書

丞贊道槐庭司文天閣周禮曰面三槐三公位焉晉今

曰祕書郎掌三閣經書三輔故

事曰天祿閣在大  
殿北以藏祕書  
光照諸侯風流籍甚韓詩外傳曰為人君者則願以

為臣名昭諸侯天下願馬習鑿齒晉陽秋曰王夷甫樂  
廣俱宅心事外言風流者稱王樂馬漢書曰陸賈遊漢

庭公卿間以父憂去職蕭子顯齊書曰淵喪過乎哀幾  
名聲籍甚父湛之縣騎將軍

將毀滅周易曰喪過乎哀有識留感行路傷情桓譚新

周說孟嘗君曰有識之士莫不為足下寒心酸鼻論衡  
曰行路之人皆能論之家語曰子游見行路之人云魯

司鐸服闋除中書侍郎鄭玄禮記曰闋終也王言如絲其出如綸

禮記曰王言如  
絲其出如綸  
恪居官次智效惟穆左氏傳曰閔子騫曰敬恭朝夕恪居官次

莊子曰智  
效一官  
于時新安王寵冠列蕃越數邦教毗佐之選妙

盡國華

沈約宋書曰始平孝敬王子鸞字孝羽孝武帝第八子也初封新安王母殷淑儀寵傾後宮子

鸞愛冠諸子凡為上所盼遇者莫不入子鸞府國子鸞兼司徒進號撫軍將軍尚書曰司徒掌邦教數五典國

語季文子曰吾以德榮為國華韋昭出為司徒右長史曰以德榮顯者可以為國之光華也

轉尚書吏部郎執銓以平

韋昭漢書注曰銓稱銓聲類曰銓所以稱物晉起居注曰

太康四年詔曰御煩以簡裴楷清通王戎簡要復存於

茲賊榮緒晉書曰裴楷字叔則河東人也為尚書郎吏部郎缺太祖問其人於鍾會會曰裴楷清通王戎簡

要皆其選也是泰始之初入為侍中裴子野宋略曰壽寂之前刃少帝延

湘東王升御坐立為明帝曾不移朔遷吏部尚書是時又曰明皇帝年號泰始

天步初夷王途尚阻

天步初夷謂弒少帝也裴子野宋略曰江州刺史晉安王子勛作亂

蕭子顯齊書曰建安王休仁南討賊屯鵠尾洲遣淵諸軍選將帥以下勲階毛詩曰天步艱難蔡邕劉寬碑曰統

父三軍以清王塗答賓戲曰王途蕪穢周失其馭

元戎啓行衣冠未緝

元戎啓行謂建

安出征也毛詩曰元戎十乘以先啓行衣冠謂朝士也

范曄後漢書崔諡奏記曰宋光衣冠子孫爾推曰緝和

也緝與輯同

內贊謀謨外康流品

東觀漢記世祖策曰前將軍鄧禹與朕謀謨帷幄李

重集曰為選部尚書其箴曰銓管人流品藻清濁

制勝既遠涇渭斯明

孫子兵法曰水

因地而制行兵因敵而制勝孫綽子曰或問雅俗曰涇渭殊流雅鄭異調

賞不失勞舉無失

德

左氏傳隨武子曰楚君舉不失德賞不失勞

績簡帝心聲敷物聽

崔駰武賦曰假

皇天乎簡帝心尚書大傳事寧領太子右衛率固讓不  
曰文王施政而物皆聽

拜尋領驍騎將軍以帷幄之功膺庸祇之秩帷幄已見上文尚書

王曰惟乃文考庸庸祇祇威威顯民孔安國曰用可用敬可敬封雒都縣開國伯食邑

五百戶

漢書有豫章郡雒都縣

既秉辭梁之分又懷寢丘之志

國語

曰惠王以梁子魯陽文子辭曰梁險而在遠懼子孫之有貳者繼臣而得全其首領以歿懼子孫之以梁乏臣之祀也乃與魯陽賈遠曰惠王楚昭王子梁楚北境魯陽文子楚平王之孫司馬子期之子魯陽公列子曰孫叔敖疾將死戒其子曰王亟封我矣吾不受也我死王則封汝汝必無受利地楚越之間有寢丘者此地不利而名甚惡楚人鬼之越人禩之可長有者惟此也孫叔敖死王果以美地封其子辭而不受請寢丘與之至今

失 不 所 受 田 邑 不 盈 百 井

周禮曰畝百為大夫三為屋三為井漢書曰井方一里

久 之

重 為 侍 中 領 右 衛 將 軍 盡 規 獻 替 均 山 甫 之 庸

國語召康公曰

天子聽政近臣盡規又史黜謂趙簡子曰夫事君者諫過而後賞善薦可而替否獻能而進賢毛詩袞職有闕

惟仲山甫補之 緝 熙 王 旅 兼 方 叔 之 望

毛詩曰維清緝熙文王之典又曰王旅嘽嘽如

飛如輪又曰方叔

丹 陽 京 輔 遠 近 攸 則

漢書曰右內史武帝更名京兆

尹左內史更名左馮翊主爵中都尉更名右扶風是為三輔又百官表有京輔都尉毛詩曰商邑翼翼四方之

極鄭玄曰商邑之禮俗翼翼然可則效乃四方之中正也

吳 興 衿 帶 實 惟 股 肱

李尤函谷

關銘曰衿帶咽喉漢書曰季布為河東守上召布曰河東吾股肱郡故特召君耳

頻 作 二 守 竝

加蟬冕

蕭子顯齊書曰尋遷散騎常侍丹陽尹出為吳興太守常侍如故蔡邕獨斷曰侍中中常侍加

貂附蟬

政以禮成民是以息

左氏傳卻至之辭已見上文

明皇不豫儲

后幼冲

沈約宋書曰太宗明皇帝諱彧又曰後廢帝昱字德融明帝長子也泰始七年立為皇太子太

宗崩太子即位尚書曰武王有疾弗豫謝承後漢書曰孝靈帝崩皇太子即位主上幼冲貽厥之寄

允屬時望

毛詩曰貽厥謀以燕翼子

徵為吏部尚書領衛尉固讓

不拜改授尚書右僕射端流平衡外寬內直

賈子曰視有四則朝

廷之視端流平衡韓詩外傳曰外寬內直遽伯玉之行也

弘二八之高謨宜由庚而

垂詠

二八八元八愷也毛詩序曰由庚萬物得由其道也

太宗即世遺命以公為



散騎常侍中書令護軍將軍送往事居忠貞允亮

太宗明帝

也左氏傳荀息謂晉獻公曰公家之利知無不為忠也送往事居耦俱無猜貞也

秉國之均四

方是維

毛詩小雅文也

百官象物而動軍政不戒而備

左氏傳曰隨武

子曰為教為太宰百官象物而動軍政不戒而備

公之登太階而尹天下君子

以為美談

孔融張儉碑曰惜乎不登太階以尹天下致皇代於隆熙公羊傳曰魯人至今以為美談

亦猶孟軻致欣於樂正羊職悅賞於士伯者也

孟軻曰魯欲使

樂正子為政孟子喜而不寐公孫丑曰奚喜曰其為人也好善劉熙曰樂正姓也子通稱也名尅左氏傳曰晉侯賞桓子狄臣千室亦賞士伯以瓜衍之縣羊舌肸說之以為當也

丁所生母憂謝職毀

疾之重因心則至

蕭子顯齊書曰淵遭庶母郭氏喪塋畢起為中軍將軍本官如故毛詩曰因

心則友

朝議以有為為之魯侯垂式

禮記子夏問曰三年之喪卒哭金革之事

無避也禮記孔子曰吾聞諸老聃曰昔有魯伯禽有為為之今以三年之喪從利者吾弗知也

存公忘

私方進明準

漢書曰翟方進字子威汝南人也為丞相及母既終葬三十六日除服起視事以為

身備漢相不敢踰國家之制也

爰降詔書敦還攝任固請移歲表奏相

望事不我與屈已弘化

沈約宋書曰褚淵以母憂去職詔攝本任爾雅曰敦勉也嵇康

幽憤詩曰時不我與荀悅申鑒曰聖王屬已以申天下之樂尚書曰三孤三公弘化

屬值三季在

辰戚蕃內侮

國語郭偃曰三季王之亡也宜哉韋昭曰三季桀紂幽王也潘元茂九錫文曰稱兵

內桂陽失圖窺窬神器

沈約宋書曰桂陽王休範文帝子也封為桂陽王後為江州刺史

史及太宗晏駕主幼時屯遂舉兵反休範已至新林朝廷震動平南將軍齊王出次新亭中軍將軍褚淵入衛

殿省休範自於新林步上越騎校尉張苟兒直前新休範首持還休範自新林分遣同黨杜墨蠡等直入朱雀

門休範雖死不相知聞墨蠡至杜媿宅宮省怖授於是城內分遣諸軍東西奮擊諸賊一時奔散斬墨蠡等劉

琨勸進表曰秋寇窺窬左氏傳師服曰民服其上鼓棹下無覲覲杜預曰下不冀望上位也窬與覲同鼓棹

則滄波振蕩建旗則日月蔽虧

湛方生詩曰鼓棹行遊賜吳都賦曰振蕩汪流

曹子建責躬詩曰建旗東岳子虛賦曰岑峯參差日月蔽虧

出江派而風翔入京師

而雷動

興引曰仁風翔於海表曹植任城王諒曰矯矯元戎雷動雲阻楚辭曰雷動電發

鳴控

弦於宗稷流鋒鏃於象魏

班固漢書李廣遂曰控弦貫石威動北隣宗社也蔡邕

獨斷曰天子立宗社曰秦社稷宗社之稷周禮曰太宰縣治象之法于象魏五等論曰鋒鏃流乎鋒闕雖

英宰臨戎元渠時殄

英宰謂齊王也元渠謂休範也晉中興書穆帝詔曰寶籙英宰淵謀

尚書曰殄厥渠魁

而餘黨寔繁宮廟憂逼

餘黨謂杜墨蠹也

公乃總熊

羆之士率不貳心之臣

尚書曰先君文武則亦有熊羆之士不二心之臣戮力

盡規克寧禍亂

國語曰戮力一心賈逵曰戮力并力也盡規已見上文

康國祚於

綴旒拯王維於已墜

公羊傳曰君若贅旒然贅猶綴也何休曰旒旗旒也誠由太

祖之威風抑亦仁公之翼佐

太祖齊王也

可謂德刑詳禮義

信戰之器也

左氏傳曰楚子救鄭軍過申子及入見申叔時曰師其何如對曰德刑詳禮義信戰

之器也杜預曰器猶用也

以靜難之功進爵為侯兼授尚書令中軍

將軍給班劍二十人功成弗有固秉撝挹

老子曰功成而弗居周易

曰无不利撝謙韓詩外傳曰孔子曰持滿之道挹而損之晉起居注安帝詔曰灑落成勲固秉謙挹

改授

侍中中書監護軍如故又以居母艱去官

蕭子顯齊書曰淵後嫡母

吳郡公主薨毀瘠如初

雖事緣義感而情均天屬

莊子曰桑雩謂孔子曰子獨不

聞傲人之亡與林回棄千金之璧負赤子而趣何與林回曰彼以利合此以天屬者也司馬彪曰假國名也屬

連顏丁之合禮二連之善喪亦曷以踰

禮記曰顏丁善居喪始死皇皇

馬如有求而弗得及殯望望馬如有從而弗及鄭玄曰顏丁魯人也居喪合禮禮記孔子曰少連大連善居喪三

日不怠三

天厭宋德水運告謝

左氏傳鄭伯曰天而既厭周德矣水運宋也射

雞賦曰青陽告謝王逸楚辭注曰謝去也

嗣主荒怠於天位

沈約宋書曰後廢帝明帝長子

諱昱即位淫亂尚書曰商王受荒怠弗敬又伊尹曰天位艱哉

彊臣憑陵於荆楚

沈約宋書

曰荊州刺史沈攸之便有異志左氏傳鄭王子伯駢曰今楚馮陵我城郭

廢昏繼統之功龕

亂寧民之德

廢昏謂廢帝為蒼梧王也繼統謂立順帝也蕭子顯齊書曰蒼梧暴虐稍甚及廢羣

公集議袁粲劉秉既不受淵曰非蕭公無以了此手取筆授太祖太祖曰相與不肯我安得辭事乃定順帝立

檄太常曰繼統揚素墨子曰夏桀時天乃命湯於桀宮有神來告曰夏德大亂往攻之予必使汝大戡之在寔

正論曰及其出也公實仰贊宏規參聞神算潘岳賈充誄曰使夫

是以濟世寧民也疑廟定雖無受賑出車之庸亦有甘寢秉羽之績左氏傳劉

於神算子曰國之大事在祀與戎祀有執膳戎有受賑毛詩曰我出我車于彼牧矣莊子謂楚王曰孫叔敖甘寢秉羽

而郢人投兵慎子注曰甘寢安寢也乃作司空山川攸序禮記曰司空執

山川沮澤也兼授衛軍戎政輯睦牽秀皇甫陶碑曰帝命既

子曰楚卒乘輯睦事不奸矣既而齊德龍興順皇高禪沈約宋書曰

仲謨明帝第三子廢帝殞奉迎入居朝堂即位後四年禪位于齊帝遜位于東邱孔安國尚書序曰漢室龍興

深達先天之運匡贊奉時之業周易曰大人者與天地

後天而

弼諧允正徽猷弘遠

尚書曰允迪厥德謨明弼諧毛詩曰君子徽猷小人

與樹之風聲著之話言

左氏傳君子曰古之王者並建聖哲樹之風聲著之話言亦

猶稷契之臣虞夏荀裴之奉魏晉

魏志曰太祖封荀攸亭侯轉為中軍師魏

國初建為尚書令臧榮緒晉書曰裴秀字秀彥河東人也常道鄉公立與議定策還尚書僕射及世祖受禪進

左光祿大夫

自非坦懷至公永監崇替

國語藍尹壘謂子西曰吾聞君子惟獨居

思念前世之崇替於是乎有

孰能光輔五君黃亮二代

者哉

左氏傳曰楚屈建語康王晉范會之德康王曰神人無怨宜夫子之先輔五君以為諸侯主也五君

宋文明順齊高武然此武猶未立蓋終言之黃亮已見班孟堅封燕然山銘

大啓南康爰登



中鉉時膺土宇固辭邦教

蕭子顯齊書曰建元元年進位司徒侍中中書監如故改封

南康郡公邑三千戶淵固讓司徒毛詩曰大啓爾宇毛萇曰宇居也東京賦曰廣啓土宇周易曰鼎金鉉鄭玄

曰金鉉喻明道能舉君之官職也鄭玄尚書注曰鼎三公象也

今之尚書令古之冢宰

蕭子顯齊書曰淵等加尚書令本官如故周禮曰乃立天官冢宰而掌邦治鄭玄曰爾雅曰冢大也冢宰大宰

雖秩輕於衮司而任隆於百辟

衮司三公也毛詩曰百辟其刑之

暫遂

冲旨改授朝端

晉起居注曰帝詔曰若不少順冲旨降損盛制晉中興書謝石上疏曰尸素朝

端忽馬五載

邇無異言遠無異望

劉琨勸進表曰是以帝嘉邇無異言遠無異望

帝嘉

茂庸重申前冊執五禮以正民簡八刑而罕用

蕭子顯齊書曰

三年重申前命為司徒周禮曰掌邦禮以佐王和邦國鄭玄曰禮謂典禮五吉凶軍賓嘉也孔安國尚書傳曰簡略也周禮大司徒職曰以八刑糾萬民一曰不孝之刑二曰不義之刑三曰不嫺之刑四曰不悌之刑五曰不任之刑六曰不恤之刑七曰造言之刑八曰亂民之刑嫺音因故能騁績康衢延慈

哲后

登樓賦曰假高衢而騁力鄧耽郊祀賦曰伊皇母以延慈

義在資敬情同布衣

孝經曰資於事父以事君而敬同晉中興書庾亮上疏曰先帝謬顧情同布衣

出陪鑒躅入奉

帷殿仰南風之高詠餐東野之祕寶

家語曰舜彈五弦之琴造南風之詩

王隱晉書庾峻曰知足如疏廣雖去列位而居東野東野未詳又曰雒書天淮聽曰顧命云天球河圖在東序天球寶器也河圖本紀圖帝王終始存亡之期典引曰御東序之祕寶然野當為村古序字也以是圖緯故曰

餐餐雅議於聽政之晨披文於宴私之夕

禮記曰君日出視朝退適

路寢聽政王廙思逸民賦曰左披文以遺話講

參以酒德

間以琴心

晉書劉劭有酒德頌列仙傳曰涓子作琴心三篇

暇有餘暉遙然留

想

暖溫貌莊子曰暖然似春暄然留想所慮者深也

君垂冬日之溫臣盡秋霜

之戒

言君垂恩有如冬日而臣戒懼常若秋霜鄧析子曰為君者若冬日之陽夏日之陰苟悅申鑒曰主

怒如肅肅焉穆穆焉

爾雅曰穆穆肅肅敬也

於是見君親之同致

知在三之如一

國語武公伐翼殺哀侯止樂共子曰苟無死吾以見之今子為上卿辭曰臣聞

之人生於三事之如一父生之師教之君食之非食不長非教不知生之族也故一事之惟其所在則致死矣

太祖升遐綢繆遺寄

蕭子顯齊書曰太祖崩遺詔以淵錄尚書事禮記曰天子崩告喪曰

天王登遐西征賦以侍中司徒錄尚書事稟王几之顧

曰武皇忽其升遐

命人曰出綴衣於庭越翼曰王崩

奉綴衣之禮

之令典致聲化於雍熙

左氏傳隨武子曰為教為太宰擇楚國之令典東京賦曰上下

共其雍雍內平外成實昭舊職

左氏傳太史克曰舜舉八元布五教于四方內平外成又

展禽曰桓公糾合諸侯實昭舊職

增給班劍三十人

晉公卿禮秩曰詔公給虎賁三十人

持劍

物有其容徽章斯允

左氏傳膳夫屠蒯曰事有其物物有其容禮記曰殊徽號

鄭玄曰徽旌旗之名也又曰以為旗章以別貴賤鄭玄曰章幟也

位尊而禮卑居高而

思降自夏徂秋以疾陳退朝廷重違謙光之旨用申超

世之尚

周易曰謙尊而光卑而不可踰晉起居注安帝詔曰今權順所請以申超世之美

改授司

空領驃騎大將軍侍中錄尚書如故

蕭子顯齊書曰淵寢疾上相星連有

變淵憂之表遜位乃改授司空景命不永大漸彌留

蔡邕

楊公誄曰功成化洽景命有傾尚書曰降年有永有不永人曰疾大漸惟幾病日臻既彌留

建元四

年八月二十一日薨于私第春秋四十有八昔柳莊疾

棘衛君當祭而輟禮

記記曰衛有太史曰柳莊寢疾公曰若疾革雖當祭必告也公再拜

稽首請于尸曰臣有柳莊也非寡人之臣社稷之臣聞之死請往不釋服而往遂以禭之晏嬰既往

齊君趨車而行哭

晏子曰齊景公遊於菑晏子死公擊

車之駛則又乘之比至國四下而趨至則伏尸而哭

曰百姓誰復告我惡邪韓詩外傳曰趨車馳馬也

公

之云亡聖朝震悼於上羣后惟

慟於下

鄭玄禮記注曰惶恐也

豈惟哀纏一國痛深一主而已哉

言萬國同戚豈如柳莊晏嬰事止一國一

主而已哉李蕭遠運命論曰區區於一主歎息於一朝

追贈太宰侍中錄尚書如

故給節羽葆鼓吹班劍為六十人諡曰文簡禮也夫乘

德而處萬物不能害其貞

莊子曰夫乘道德而浮遊則不然無譽無訾浮遊乎萬物

之祖物物而不物於物則胡可得而累邪

虛已以遊當世不能擾其度

莊子曰方

舟而濟於河有虛船來觸舟雖有褊心之人均貴賤於不能怒人虛已以遊於世其孰能害之也

條風忘榮辱於彼我

淮南子曰夫貴賤之於身猶條風之時麗也毀譽之於己猶蚊蚋之

一過也莊子肩吾問於孫叔敖曰子三為令尹而不榮華三去之而無憂色何也孫叔敖曰不知其在彼乎其在我乎其在彼邪忘乎我其在我邪忘乎彼何暇計乎人貴人賤哉然後可兼善天下聊

以卒歲

孟子曰古之人窮則獨善其身達則兼善天下者也家語孔子歌曰優哉游哉聊以卒歲經

始圖終式免祇悔

潘岳家風詩曰經始復圖終葺宇營丘園周易曰無祇悔誰云克

備公實有焉是以義結君子惠需庶類

國語曰夏禹能平水土以品處

庶類者也

言象所未形述詠所不盡

謝慶緒答郝敬書曰至理深玄非言象所喻也

故吏某甲等感逝川之無捨哀清暉之眇然

論語子在川上曰逝

者如斯夫不捨晝夜傳成贈何劭王濟詩曰二離揚清暉眇然遠貌也楚辭曰路眇眇兮然然

餐輿誦

於丘里瞻雅詠於京國

左氏傳曰子產為政與人誦之曰子產若死其誰嗣之

思

衛鼎之垂文想晉鍾之遺則

禮記衛孔悝鼎銘曰公曰叔舅子與汝銘若纂乃考

服國語晉悼公曰昔克路之役秦來圖敗晉功魏顆以其身却退秦師子輔氏觀止杜回其勲銘于景鍾韋昭

曰景鍾景公鍾也

方高山而仰止刊玄石以表德

毛詩曰高山仰止禴衡願

子碑曰乃刊其辭曰辰精感運昂靈發祥

爾雅曰大辰房心尾也王

逸楚辭注曰辰星房星也春秋元命苞曰殷紂之時五星聚房者蒼神之精同據而興齊木德故曰辰精春秋佐



助期曰漢將蕭何昂星精生於元首惟明股肱惟良

言

豐通於制度發祥已見上文咸辰精而生故曰惟明臣咸昂宿以生故曰惟良也尚書大傳曰元首明哉股肱良哉元首君也股肱臣也

天鑑璿曜踵武前王

言君能鑒照璿曜七曜之道踵武前王而受禪也毛詩曰天鑒在下

有命既集尚書曰在璿璣玉衡以齊七政璣與璿同七政七曜楚辭曰及前王之踵武

欽若元輔

體微知章

言臣能敬順元輔大臣之義體微知章而匡贊之也尚書曰欽若昊天班固涿邪山文曰

眇眇將軍大漢元輔周

永言必孝因心則友

毛詩曰永言孝思孝

思惟則因心則友已見上文

觀海齊量登嶽均厚

班彪覽海賦曰觀滄海於芒芒海賦

曰爾其大量也莊子曰淵淵其若海也郭象曰容恣無量也法言曰登東嶽而知衆山之遙邈莊子老聃曰至

人若地之自厚家語齊大夫子與適魯見孔  
子曰乃今而後知泰山之為高海淵之為大  
五臣茲六

八元斯九

召公奭太公望畢公高蘇公忿生也潘岳魯武

公誅曰昂昂公侯實天誕  
育八元斯九五臣茲六

內簷帷幄外曜台階

帷幄已見上文

黃帝泰階六符經曰泰階者天之三階也上階為天子  
中階為諸侯公卿大夫下階為元士庶人漢書音義三

階三台也范曄後漢書  
郎顗曰三公上應三台

遠無不肅邇無不懷國語祭公  
謀父曰近

無不聽遠無不服阮嗣宗勸晉  
王踐曰遠無不服邇無不肅

如風之偃如樂之諧論  
語

曰草上之風必偃左氏傳曰晉侯以樂之半賜魏絳曰  
子散寡人和諸戎狄以正諸華八年之中九合諸侯如

樂之和無所不諧請與子樂之

光我帝典緝彼民黎

劇泰美新曰帝  
典闕而不補

率

禮蹈謙諒實身幹

南郊賦曰率禮無違周易曰履道坦坦幽人貞吉王弼曰履道尚謙而二

以陽處陰履於謙也左氏傳曰晉侯使卻錡來乞師將事不敬孟獻子曰卻氏其亡乎禮身之幹也敬身之基

也跡屈朱軒志隆衡館

尚書大傳曰未命為士不得乘朱軒衡館衡門之館也

眇

眇玄宗萋萋辭翰義既川流文亦霧散

蔡邕何休碑曰辭述川流文章

雲浮孝經鈞命決曰雲委霧散

嵩構云頽梁陰戴缺

並見上文

德猷靡嗣儀

形長遞

音逝德猷令德徽猷也儀形容儀形體也鄭玄春秋緯注曰遞去也

惓惓餘徽鏘

洋遺烈

楚辭曰心惓惓以永思

久而彌新用而不竭

典引曰扇遺風播芳烈久

而愈新用而不竭

文選卷五十八

欽定四庫全書

文選卷五十九

梁蕭統編

唐李善註

碑文下

頭陀寺碑文

天竺言頭陀此言斗薨斗薨煩惱故曰頭陀

王簡栖

姓氏英賢錄曰王巾字簡栖琅邪臨沂人也有學業為頭陀寺碑文詞巧麗為

世所重起家鄆州從事征南記室天監四年卒碑在鄆州題云齊國錄事參軍琅邪王巾製

蓋聞挹朝夕之池者無以測其淺深

家語曰孔子觀於魯桓公之廟有欵

器焉使弟子挹之水毛萇詩傳曰挹斟也漢書枚乘上書吳王曰游曲臺臨上路不如挹朝夕之池桓子新論

子貢論齊景公曰臣之事仲尼譬如渴而操杯就江海飲飲滿而去又焉知江海之深乎挹於人切斟勺愚切

仰蒼蒼之色者不足知其遠近

莊子曰天之蒼蒼其正色耶其遠而無所至極

邪韓詩外傳子貢謂景公曰臣終身戴天不能知其高

況視聽之外若存若亡心

行之表不生不滅者哉

僧肇涅槃論曰視聽之所不暨四空之所昏昧管子曰聖人之

道若存若亡援而用之沒代不忘竺道生曰心行心是所行之行也維摩經曰畢竟不生不滅是無常義也

以掩室摩竭用啟息言之津

華嚴經曰佛在摩竭提國寂滅道場始成正覺法華

經曰寂滅無言也僧肇論曰釋迦捨室杜口毗邪以通於摩竭鄭玄論語注曰津濟渡水之處杜口毗邪以通

得意之路

至理幽微非言說之所及掩室摩竭示寂滅以息言杜口毗邪現默然而得意維摩經曰

佛在毘邪離菴羅樹園佛告文殊師利汝行詣維摩詰問疾文殊師利問維摩詰何等是菩薩入不二法門時維摩詰嘿然無言文殊師利歎曰善哉善哉乃至無有文字語言是真入不二法門僧肇論曰淨名杜口於毘邪莊子曰言者所以在得意也得意而忘言也然語彞倫者必求宗於九疇談

陰陽者亦研幾於六位

真諦無言俗諦借言以明理故此明言之用也尚書武王訪于

箕子曰我不知彞倫攸叙周易曰夫易所以極深研幾也又曰分陰分陽迭用柔剛故易六位而成章王弼曰

六位爻之文也

是故三才既辨識妙物之功萬象已陳悟太極

之致

此顯言之功也周易曰易有天道焉有地道焉兼三才而兩之故六又曰神者妙萬物而為言者也

孝經鉤命決曰地以舒形萬象咸載聲類  
曰悟心曰解周易曰易有太極是生兩儀言之不可以

已其在茲乎

言所以識物悟太極者皆藉言明之不可止者其在此乎左氏傳叔向謂驪養曰子

若無言吾幾失子矣言之不可以已也如是

然又繫所筌窮於此域

又六又也繫繫

辭也因父以立辭亦因辭以明理也故父繫之所明窮生死於此域也莊子曰筌所以得魚得魚而忘筌筌捕魚之筌莊子以之喻言大智則稱去聲謂所絕形乎彼岸度論曰二乘以生死為此岸則稱去聲謂所絕形乎彼岸

矣

至如涅槃妙旨非言說之所能明故稱謂所絕現於涅槃之彼岸矣僧肇論曰玄極無名稱謂絕焉鄭玄

禮記注曰稱猶言也王逸楚辭注曰謂說也涅槃經曰心無退轉即便前進既前進已得到彼岸登大高山離



諸恐怖多受安樂彼岸山者喻於如來受安樂者喻於常住大高山者喻大涅槃也大智度論曰亦以涅槃為彼岸彼岸者引之於有則高謝四流推之於無則俯弘

六度

彼岸絕乎稱謂者若引之而入有則去四流而現無若推之而入無則弘六度以明有僧釋肇維摩

經注曰不可得而有不可得而無者其唯大乘乎何則欲言其有無相無名欲言其無方德斯行故雖無而有無相無名故雖有而無然則言有不乖無言無不乖有也魏都賦曰高謝萬邦大智度論曰欲流有流無明流有見流三國名臣頌曰俯弘時務瑞應經曰行六度無極布施持戒忍辱精進一心智慧諸經以一心為禪也名言不得其性相隨迎不見其終始法離有無豈名言豈隨迎之可見維摩經維摩詰曰法無名字言語斷故法無形象如虛空故法同法性入諸法故法相如是豈

可說乎竺道生曰法性者法之本分也法相者事之貌也老子曰隨之不見其後迎之不見其首不可

以學地知不可以意生及其涅槃之蘊也

妙法蓮華經曰昔住學地

佛常教化言我法能離生老病死究竟涅槃勝鬘經曰意王身無漏業生依無明住學地謂三果意生謂菩薩言能變化生死隨意住生法華經曰諸佛弟子衆皆如舍利佛盡思共度量不能測佛智不退諸菩薩亦復如是不能知周易曰乾坤其易之蘊耶韓康伯注曰蘊淵奧也夫幽谷無私有至斯響

洪鍾虛受無來不應

周易曰入于幽谷不明也尚書大傳孔子曰夫山生材用而無私為

馬四方皆伐無私與焉論衡曰呼于坑谷之中響立應禮記曰善待問者如撞鐘叩之以小者則小鳴叩之以大者則大鳴劉熙釋名曰鐘空也內空受氣多故聲大也文子曰虛無不受靜無不持牽秀相風賦曰故無來

而不應兮何況法身圓對規矩冥立圖對謂有威斯對而無不周也勝鬘

經曰涅槃界者即是如來法身僧肇論曰法身無像應物以形千難殊對而不干其慮禮記曰古之君子周旋

中規折旋中矩僧肇維摩經序曰冥權無謀而動與事會一音稱物宮商潛運維摩經曰

佛以一音演說法衆生隨類各得解脫周易曰稱物平施尚書曰聲者宮商角徵羽也是以如來

利見迦維託生王室如來佛號謝靈運金剛般若經注曰諸法性空理無乖異謂之為如

會如解故名如來竺道生維摩經注曰如者謂如與如冥無復有如之理從此中來故曰如來瑞應經曰菩薩

下當世作佛託生天竺迦維羅衛國父王名曰靜夫人曰妙迦維羅衛者天地之中央周易曰利見大人左氏

傳曰會于洮憑五行之軌拯溺逝川僧肇論曰騁六通謀王室也之神驥乘五行之

安車五衍五乘天竺言衍此言乘五乘一人二天三聲聞四辟支佛五菩薩今碑本以為憑四衢之軾蓋梁代諱衍故改焉左氏傳曰楚子玉使聞勃謂晉侯曰請與君之士戲君憑軾而觀之說文曰出溺為拯論語曰子在川上曰開八正之門大庇交喪維摩經曰雖行八正逝者如斯

是菩薩行僧肇論曰啟八正之平路坦眾聖之夷塗大品經說八正曰正見正思惟正語正業正命正精進正念正定爾雅曰庇廕也莊子曰世喪道矣道喪世矣世與道交相喪也於是玄關幽樾感

而遂通

玄關幽樾喻法藏也謝靈運金剛般若經注曰玄關難啟善樾易闕戴逵棲林賦曰幽關忽其

離捷玄風暖以雲頽字林曰捷門距周易曰寂然不動感而遂通天下之故非天下之至神孰能與於此遙源濬波酌而不竭遙源濬波喻法海也文子曰取焉而不滿酌焉而不竭莫知其所以也

行不捨之檀而施

去聲洽羣有

夫心愛衆生而行捨者則增愛非為實捨故大

士之捨見不施之捨者及於衆生斯為不捨以茲而施故羣有俱洽大品經曰不施不慳是名檀波羅蜜

僧肇論曰賢劫稱無捨之檀成具美不為之為也天竺言檀此言布施波羅蜜此言到彼岸也羣有謂有

色無色有想無想以其不一故曰羣有僧肇維摩經注曰鏡羣有以通玄而物我俱一

唱無緣

之慈而澤周萬物

夫行慈者以衆生為緣衆生為緣則慈無所寄故大士之慈離於衆相離

相行慈名為無緣無緣生慈是為真實以斯而唱則物無不周涅槃經曰得諸菩薩無緣之慈僧肇論曰禪典

唱無緣之慈思益演不知之知泥洹經曰無緣者不住法相及衆生相釋道安曰解從緣散周易曰智周萬物

而道濟天下

演勿照之明而鑒窮沙界

夫以明照物明盡則照窮而勿照之明猶

無得之得無得而得斯為真得故勿照之明斯為真明矣演真明而廣照何止鑒窮沙界乎僧肇論曰至人虛心冥照理無不統而靈鑒有餘金剛般若經曰諸恒河所有沙數佛世界如是寧為多不導亡機之

權而功齊塵劫

機謂機心也權方便也夫以機心導物物所以機心應之物有機心則結果斯

起故誘以無幾之智何止功濟塵劫乎僧肇論曰至人灰心滅智內無機照之勤辨亡論曰魏氏功濟諸華法華經曰如人以力磨三千大千土復盡未為塵一塵為一切此諸微塵數其劫復過是時義遠矣

能事畢矣

周易曰天下隨時隨時之義大矣哉又曰四營而成易十有八變而成卦天下之能事畢

矣然後拂衣雙樹脫屣金沙

左氏傳曰叔向拂衣從之湮盤經曰佛在拘尸那國

力士生地阿利羅拔提河邊娑羅雙樹間爾時世尊臨湮盤史記武帝曰嗟乎吾誠得如黃帝吾視去妻子如

脫屣耳拔河一  
名金沙河也  
惟恍惟惚不皦不昧莫繫於去來復歸

於無物

老子曰道之為物惟恍惟惚王弼曰恍惚無形不繫之貌也又曰一者其上不皦其下不昧繩

繩不可言復歸于無物鍾會曰光而不耀濁而不昧繩今其無繫汜汜乎其無薄也微妙難名終歸於無維摩經曰法無去來常不住故僧肇曰法若住則從未到現在從現在未過去遙三世則有去來也以法不常住也  
故因斯而談則棲遑大千無為之寂不撓焚燎堅林不

盡之靈無歇大矣哉

荅賓戲曰聖哲治之棲遑大千者謂一三千界下至阿毗地獄上非

想天為一世界千三界為大千世界千小世界為大千世界至千中千世界為大千世界維摩經曰夫出家者為無為法瑞應經曰吾虛心樂靜無為無欲僧肇維摩經注曰寂謂寂滅常靜之道廣雅曰撓亂也涅槃經曰

佛以千疊纏裹其身積衆香木以火焚之僧祇律曰如大涅槃經說世尊向熙連禪河力士生地堅固林雙樹間般涅槃于天冠塔邊闍維僧肇維摩經注曰無實相無法常住故盡法華經曰方便見涅槃而實不滅度常住此說

正法既沒象教陵夷

曇無羅識曰釋迦佛正法住世五百年像法一千年

末法一萬年論語曰文王既沒陵夷已見上文穿鑿異端者以違方為得一安國論語注曰妄作穿鑿以成文章不知所以裁製論語子曰攻乎異端斯害也已謝宣遠贈靈運詩曰違方往有差杜預左氏傳注曰方法也順非辯偽者比微言於云得一者鍾會曰一亦道也

目論

禮記曰言偽而辨順非而澤維摩經曰於衆言中微妙第一僧肇論曰采微言於聽表史記曰齊威

王使說越王齊使曰幸也越之不亡也吾不貴其用知之如目見毫毛而不自見其睫也今王知晉失計而不知



自知越之過  
是目論也  
於是馬鳴幽讚龍樹虛求  
摩訶摩耶經曰  
正法衰微六百

歲已九十六種諸外道等邪見競興破滅佛法有一比丘名曰馬鳴善說法要降伏一切諸外道輩七百歲已

有一比丘名曰龍樹善說法要滅邪見幢燃正法炬  
周易曰幽贊於神明而生著王弼曰幽深贊明也  
竝

振頽綱俱維絕紐  
陸機大將軍宴會詩曰頽綱既振謝  
莊為沈慶之荅劉義宣書曰皇綱絕

而復紐區夏隆而更  
維說文曰紐系也  
蔭法雲於真際則火宅晨涼  
華嚴經曰

不壞法雲偏覆一切劉虬法華經注曰雲譬應身則殊  
形竝現順機不偏此則彌布徧覆之義也維摩經曰同

真際等法性不可量僧肇曰真際實際也法華經  
曰三界無安猶如火宅眾苦所燒我皆拔濟之  
曜慧

日於康衢則重昏夜曉  
法華經曰慧日大聖尊久乃說  
是法劉虬曰菩薩圓淨照均明

兩故曰慧日又曰諸子安穩得出皆於四衢露坐爾雅曰四達謂之衢五達謂之康頭陀經心王菩薩曰我見覆蔽飲雜毒酒重昏長寢云何故能使三十七品有樽俎得悟慈心示語使得開解

之師

言義徒精銳有樽俎之深謀維摩經曰於諸見不動而修行三十七品是為宴坐僧肇曰諸見六十

二諸見妄也竺道生曰正觀則三十七品也羅什曰三十七品二乘通大品經說三十七道品曰四念處四正

勤四如意足五根五力七覺分九十六種無藩籬之固八正道分樽俎之師已見上文

邪黨分崩無藩籬以自固羅什維摩經注曰摩訶泰言無大亦言勝大能勝九十六種論議辯亡論曰城池無

藩籬之固既而方廣東被教肆南移華嚴經題云大方廣佛華嚴經孔安國尚書傳

曰被及也周易曰周魯二莊親昭夜景之鑒漢晉兩明君子以教思無窮

竝勒丹青之飾

顧微吳縣記曰佛法詳其始而典籍亦無聞焉魯莊公七年夜明佛生之日也

左氏傳曰莊公七年四月辛卯夜恒星不見夜明也史記曰周桓王崩子莊王陀立十三年莊王崩左氏傳莊公三年葬桓王然則周莊王魯莊公為同時瑞應經曰到四月八日夜明星出時佛從右脅墮地即行七步年子曰漢明帝夢見神人身有日光飛在殿前以問朝臣傳毅對曰天竺有佛將其神也後得其形像何法盛晉書曰彭城王絃以肅祖明皇帝好佛手書形像經歷寇難而此堂猶在宜成作頌蔡謨云今發王命稱先帝好佛於義有疑張綱集曰然後遺文間出列刹相望謂經畫功金石圖形丹青

也史記曰天下遺文靡不畢集太史公曰漢興詩書往往間出孔安國尚書傳曰三山言相望也澄什

結轍於山西林遠肩隨乎江左矣

高僧傳曰天竺佛圖澄西域人本姓帛少

出家西域人得道以晉懷帝永嘉四年來適洛陽以麻  
油雜茵支塗掌千里外事皆澈見掌中如對面焉後登  
死之月人見在流沙又曰鳩摩羅什天竺人七歲出家  
什既道流西域名被東川苻堅遣呂光西伐破龜茲乃  
將什至涼州姚萇已殺苻堅光遂王彼至萇子興破涼  
州始將什至長安後卒長安漢書文帝詔曰使者冠蓋  
相望結轍於道班固漢書贊曰秦漢以來山東出相山  
西出將高僧傳曰支遁字道林本姓關陳留人初至京  
師王蒙甚重之年二十五出家師釋道安苻丕後還吳  
入剡王羲之遂與披襟解帶留連不能已又曰釋惠遠  
本姓賈氏鴈門人遊許洛出家師釋道安苻丕後還吳  
入襄陽南遊荊州欲往羅浮屆尋陽見廬峯遂居焉三  
十餘年影不出山迹不入俗晉義熙十二年終禮記曰  
十年以長則兄事之五年以長則肩隨之晉中興書元  
帝詔曰朕應天符創基江左春秋  
命應序曰東方為左西方為右  
頭陀寺者沙門釋慧

宗之所立也

瑞應經曰太子出北城門天帝復化作沙門太子曰何謂沙門對曰沙門之為道舍

妻子捐棄愛欲也釋僧肇維摩經注曰沙門秦言義訓勤行趨涅槃也

南則大川浩汗雲

霞之所沃蕩

周易曰利涉大川海賦曰滂濇浩汗又曰濬潏濇渭渭蕩蕩雲沃日

北則層峯

削成日月之所迴薄

山海經曰泰華之山削成而四方蜀都賦曰陽鳥迴翼於高標楊雄

反離騷曰恐日薄於西山

西眺城邑百雉紆餘

左氏傳祭仲曰都城過百雉國之害也鍾

會懷土賦曰望東城之紆餘

東望平臯千里超忽

楚辭曰出不入兮往不反平原忽兮

路超

信楚都之勝地也宗法師行絜珪璧擁錫來遊

毛詩

曰有匪君子如珪如璧東觀漢記馮衍說鮑叔永曰珪璧其行束修其心錫錫杖也大智論曰菩薩常用錫

杖經傳佛像莊子

曰神農擁杖而起以為宅生者緣業空則緣廢

言身從緣生緣

亦斯廢也維摩經曰如影從身業緣生見僧肇曰身衆緣所成緣合則赴緣散則離金光明經曰所謂無明緣行行緣識識緣名名緣色色緣六入六入緣觸觸緣受受緣愛愛緣取取緣有有緣生生緣老死憂悲苦惱滅聚釋僧肇維摩經注曰諸法之生存軀者惑理勝則惑本乎三業既無三業誰作諸法

亡

惑煩惱也言萬法雖廣解惑則起相受生解者身心寂滅涅槃經曰要因煩惱而得有身竺道生維摩經

注曰應生者愛身情也苟曰無常豈可愛戀若能悟不惑而惑自亡矣惑者無復存身也

遂欲捨百

齡於中身殉肌膚於猛鷲

禮記曰古者謂年為齡齒亦齡也范曄後漢書田巴報馮衍

書曰百齡之期未有能至尚書曰文王受命唯中身列子曰藐姑射之山有神人居焉肌膚若冰雪漢書臣瓚

注曰亡身從物曰殉李尤七  
難曰猛鷲陸嬉龍龜水處

班荆蔭松者久之

左氏傳曰伍舉

奔晉聲子將如晉遇之於鄭郊班荆相與食  
楚辭曰山中人兮芳杜若飲石泉兮蔭松柏

宋大明五

年始立方丈茅茨以庇經象

沈約宋書孝武皇帝即位改元曰大明淮南子曰聖

人處環堵之室茨之以生茅高誘曰堵長一丈高一丈  
面環一堵為方丈故曰環堵言其小也說文曰茨蓋也

爾雅曰庇廕也

後軍長史江夏內史會稽孔府君諱覲

沈約宋書曰孔

覲字思遠會稽人也初舉揚州秀才補主簿後除  
冠軍長史江夏內史隨府轉後軍長史覲音冀

為之

薙草開林置經行之室

周禮曰薙氏下士二人鄭玄曰薙翦草也法華經曰經行林中

勤求佛道

安西將軍郢州刺史江安伯濟陽蔡使君諱興宗

沈約宋書曰蔡興宗濟陽人也為使持節復為崇基表

都督郢州諸軍事安西將軍郢州刺史

剎立禪誦之堂焉維摩經曰佛言諸佛滅後以全身舍利起七寶塔表剎莊嚴而供養也

以法師景行大迦葉故以頭陀為稱首

毛詩曰高山仰止景行行止彌

勒成佛經曰彌勒佛讚言大迦葉比丘是釋迦牟尼佛大弟子釋迦牟尼佛於大眾中常所讚歎頭陀第一通達禪定解脫三昧封禪書曰前聖所以永保鴻名而常為稱首者用此者也後有僧勤法師

貞節苦心求仁養志

楚辭曰原生受命于貞節曹植擬九詠曰徒勤躬兮苦心論語子曰

求仁而得仁莊子纂修堂宇未就而沒

國語祭公謀父曰時序其德纂

修其緒高軌難追藏舟易遠

魏太祖祭橋玄文曰懿德高軌汎愛博容莊子曰夫藏舟



於壑藏山於澤謂之固矣然而夜半有力者負之僧徒而趨昧者不知郭象曰方言死生變化之不可逃

闕其無人榱椽毀而莫構

周易曰闕其戶闕其無人高誘淮南子注曰榱椽也榱棟

也可為長太息矣

漢書賈誼曰可長太息者此也

惟齊繼五帝洪名紐

三王絕業

蕭子顯齊書曰高帝太祖諱道成字紹伯蕭何二十四世孫受宋禪史記曰惟漢繼五帝

末流接三代絕業封禪書曰前聖所以永保鴻名

祖武宗文之德昭升嚴配

禮記

曰周人祖文王而宗武王尚書曰丕顯文武昭升于上孝經曰嚴父莫大於配天

格天光表之

功弘啟興復

尚書曰成湯時則有若伊尹格于皇天又曰光被四表格于上下毛詩曰建爾元子

俾侯于魯大啟爾宇為周室輔東觀漢記博士議曰除殘去賊興復祖宗

是以惟新舊物康

濟多難

毛詩曰周雖舊邦其命惟新左氏傳伍員曰不失舊物尚書曰康濟小民禮記晉太子申生使

人辭於狐突曰君老矣國家多難

步中雅頌驟合韶濩

禮記曰步中武象驟中韶濩所

以養耳鄭玄曰韶舜樂濩湯樂也

炎區九譯沙場一候

十洲記曰炎洲南海中萬二千

里韓詩外傳曰成王之時越裳氏重九譯而獻白雉於周公尚書曰西被于流沙解嘲曰東南一尉西北一候

粵在於建武焉

蕭子顯齊書曰明皇帝即位改為建武

乃詔西中郎將郢

州刺史江夏王觀政藩維樹風江漢

蕭子顯齊書曰江夏王寶玄字智深

明帝第三子也封江夏郡王仍為持節都督郢司二州諸軍事西中郎將郢州刺史尚書曰以爾友邦冢君觀

政于商又曰彰善瘁惡樹之風聲

擇方城之令典酌龜蒙之故實

方城謂楚

龜蒙謂魯左氏傳屈完曰楚國方城以為城又隨武子曰為教為宰擇楚國之令典毛詩曰奄有龜蒙遂荒大東國語樊穆仲曰魯侯孝王曰何以政肅刑清於是乎知之對曰賦事行刑而咨於故實也

在

孝經曰其教不肅而成周易曰聖人以順動則刑罰清左氏傳先軫曰取威定霸於是乎在

寧遠

將軍長史江夏內史行事彭城劉府君諱誼

蕭子顯齊書劉誼字

士穆為江夏王郢州行事者謂王年幼內史代之以行州府事故稱行事也

智刀所遊日新

月故

莊子曰庖丁為文惠君解牛曰今臣之刀十九年矣所解千牛而刀刃若新發於硎彼節者有間而

刀刃者無厚以無厚入有間恢恢乎其於遊刃必有餘地矣論語子夏曰日知其所亡月無忘其所能也

道

勝之韻虛往實歸

瑞應經曰迦葉二弟問迦葉曰今乃捨梵志道學沙門法豈獨大其道勝

乎迦葉答曰言佛道最勝莊子曰常季問於仲尼曰王  
駘兀者也與夫人中分魯立不教坐不議虛而往實而

歸以此寺業廢於已安功墜於幾立慨深覆篋悲同棄

井論語曰譬如為山雖覆一簣進吾往也孟子曰有  
為者譬如掘井掘井九仞而不及泉猶為棄井也因

百姓之有餘閒天下之無事

孫卿子曰春耕夏耘秋收  
冬藏四者不失時故五穀

不絕而百姓有餘食斬伐長養不失時故山林不童  
而百姓有餘材西都賦序曰海內清平朝廷無事 庀

耳徒揆日各有司存

左氏傳宋災使華閱討右官庀其  
司杜預注曰庀具也毛詩曰揆之

以日作為楚室論語曾子  
曰蓮豆之事則有司存

於是民以悅來工以心競

周易

曰悅以使民民忘其勞莊子曰舜之治天下使民  
心競王隱晉書荀勗議曰君子心競而不力爭 亘丘

被陵因高就遠層軒延袤上出雲霓

楚辭曰高堂邃宇檻層軒王逸曰軒

樓板也聖主得賢臣頌曰雖崇臺五層延袤百丈說文曰南北曰袤東西曰廣司馬紹贈山濤詩曰上陵青雲

霓飛閣逶迤下臨無地

西都賦曰修除飛閣楚辭曰載雲旗兮逶移王逸曰逶移而長

移與迤音義同楚辭曰下崢嶸而無地上寥廓而無天

夕露為珠網朝霞為丹雘

九衢之草千計四照之花萬品

山海經曰少室之山其上有木焉名曰帝休葉

茂狀如楊其枝五衢黃花黑實服者不怒郭璞曰言樹枝交錯相重五出有象衢路也故離騷云靡華九衢仲長子昌言曰百夫之豪州以千計山海經曰南山之首山曰鵠山有木焉其狀如穀而黑其華四照其名迷穀佩之不迷郭璞曰言有光炎若木華赤其光照下地亦此類也仲長子昌言曰以一人之好惡裁萬品之不同

崖谷共清風泉相渙

周易曰風行水上渙

金姿寶相永藉閒安

金

明經曰如來之身金色微妙其明照耀如金山王又曰光明熾盛無量無邊猶如無數珍寶大聚楚辭曰像設

居室靜閒安

息心了義終焉遊集

大灌頂經曰息心達本源是故名沙門勝鬘經曰是

故世尊依於了義一向說記班固終南山賦曰固仙靈之所遊集

法師釋曇珍業行淳

修理懷淵遠今屈知寺任永奉神居夫民勞事功既鏤

文於鍾鼎

周禮曰民功曰庸事功曰勞凡有功者銘書於王之太常國語曰昔克路之役秦來圖敗

晉功魏顆以其身却退秦師于輔氏親止杜回其勲銘於景鍾韋昭曰景公鍾禮記曰夫鼎有銘銘者論譔其

先祖之德美功烈勲勞而酌之祭器自成其名焉

言時稱伐亦樹碑於宗廟

左氏

傳曰季武子以所得齊之兵作林鍾而銘魯功焉臧武仲謂季孫曰非禮也夫銘天子令德諸侯言時計功大夫稱伐蔡邕銘論曰碑在宗廟兩階之間近代以來咸銘于碑也世彌積而功宣身逾

遠而名劬

法言曰年彌高而德彌劬者孔子之徒與小雅曰劬美也

敢寓言於彫篆

庶髣髴乎衆妙

法言曰吾子少好賦曰然童子雕蟲篆刻老子曰玄之又玄衆妙之門

其

辭曰質判玄黃氣分清濁

周易曰玄黃天地之雜也天玄而地黃列子曰輕清者上

為天重濁者下為地

涉器千名合靈萬族

周易曰形而下者謂之器器謂品物也南都賦

曰百品千名春秋元命苞曰蛟行啄息蠕動蛭蜚根生浮著含靈盛壯陸機鼉賦曰總美惡而融融播萬族乎

一淳源上派澆風下黷

莊子曰德又下衰及唐虞渚渚散朴淮南子以渚為澆音義同

說文曰派水別流也字

林曰黷持垢也杜木切

愛流成海情塵為岳

瑞應經曰感傷世間

沒於愛欲之海百法論曰情塵之意合故知生也言人皆沈於愛河則妻子財帛也言積之多如海情塵之積為岳為善日積亦見

皇矣能仁撫期命世

毛詩曰皇矣多為惡日積亦多也

上帝臨下有

赫天竺言釋迦牟尼此言能仁不退轉法經陀方菩薩曰能仁如來興此三道之教法華經曰我釋迦牟尼劉蚪曰能仁哀此忍土俯來拯拔故曰能仁瑞應經曰期運之至當下作佛孟子曰五百年必有王者興其間必有名世者廣

乃瞻中土聿來迎衛

毛詩曰乃瞻西顧又曰聿來胥宇迎衛已

見上

奄有大千遂荒三界

毛詩曰奄有龜蒙遂荒大東法華經曰其佛以恒河沙等

三千大千世界為一佛土又曰如來殷鑒四門幽求六以智慧方便於三界火宅拔濟衆生



歲

毛詩曰殷鑒不遠瑞應經曰太子至十四啟王出游始出城東門天帝化作病人即迴車悲念人生俱有

此患太子出城南門天帝化作老人迴車而還愍念人生丁壯不久太子出城西門天帝化作死人迴車而還

愍念天下有此三苦太子出城北門天帝化作沙門太子曰善哉惟是為快即迴車還念道清淨不宜在家又

曰佛既歷深山到幽閒處菩薩即拾葉草亦既成德妙以布地正箕坐月食一麻一麥端坐六年

盡無為

勝鬘經曰唯有如來化就一切功德無為已見上文

帝獻方石天開淥池

瑞應經曰佛還樹下道見棄衣取欲浣之天帝知佛意即願那山上取四方成理澤好石來置池邊白佛言可

用浣衣又曰明日食時佛持鉢到迦葉家受飯而還於屏處食已欲源漱天帝知佛意即下以手指地水出城

池令佛得用祥河輟水寶樹低枝瑞應經曰時尼連河名為指地池

神通斷水涌起高出人頭令底揚塵佛在其中法華經曰諸雜寶樹華葉光茂瑞應經曰佛後日入指地池澡浴畢欲出無所攀池上素有樹名迦和絕大通莊九折安

步三危

爾雅曰六達謂之莊漢書曰王陽為益州刺史行部至邛僰九折阪數曰奉先人遺體奈何數

乘此險漢書東方朔諫子曰飽食安川靜波澄龍翔雲步以仕易農尚書曰竄三苗於三危

起

頭陀經曰令身調善震大法鼓摧伏異學外道邪師入佛性海煩惱風息波浪不生周易曰雲從龍風從

虎聖人作

耆山廣運給園多士

法華經曰佛住王舍城而萬物覩耆闍崛山中與大比丘

衆萬二千人俱尚書曰帝德廣運金剛般若經曰佛在舍衛國祇樹給孤獨園與大比丘衆千二百五十人俱

毛詩曰濟濟多士

金粟來儀文殊戾止

發迹經曰淨名大士是往古金粟如來尚書曰

鳳凰來儀文殊已見上文毛詩曰魯侯戾止

應乾動寂順民終始

春秋元命苞曰乾動

川靜周易曰湯武革命應乎天順乎人孫卿子曰生人之始也死人之終也

法本不然今則

無滅

維摩經曰法本不然今則無是寂滅之義僧肇曰小乘以三界熾然故滅之以求無為大乘觀法本

自不然今何以滅乃真寂滅

象正雖開希夷未缺

象法正法已見上文史記曰酒闢漢

書音義文穎曰闕言希也老子曰視之不見名之曰夷聽之不聞名之曰希王弼曰無象無聲無響無所不通

無所於昭有齊式揚洪烈

毛詩曰文王在上於昭于天班固漢書述曰爰著目錄畧

序洪烈揚雄解嘲

釋網更維玄津重柅

僧叡師十二法門序曰奏希聲

於宇宙濟溺喪於玄津漢書音義韋昭曰柅櫂也音裔珣泄切叶韻

惟此名區禪慧攸託

禪慧禪定智慧也

即六度之二行也 倚據崇巖臨睨通壑

楚辭曰忽臨睨夫舊鄉說文曰

睨邪 溝池湘漢堆阜衡霍

言崇巖之高通壑之大故以湘漢為溝池衡霍為堆阜也

史記曰屈完曰方城以為城江漢以為池

膺膺武

亭阜幽幽林薄

毛詩曰周原膺膺

荼如飴上林賦曰亭阜千里靡不被藜毛詩曰秩秩斯干幽幽南山鄭玄周禮注曰竹木曰林高誘淮南子注

曰深草曰薄

媚茲邦后法流是挹

毛詩曰媚茲一人

氣茂三明情超

六入

維摩經曰佛身即法身也從六通生從三明生僧肇曰天眼宿命漏盡為三明維摩經曰六入無積

眼耳鼻舌身心已過

眷言靈宇載懷興茸

毛詩曰眷言顧之楚辭曰茸之兮荷蓋王逸注

曰茸蓋屋也

丹刻翬飛輪奐離立

左氏傳曰丹桓宮楹又曰刻桓宮棟杜預曰刻鏤也

毛詩曰如翬斯飛君子攸躋鄭玄曰翬者鳥之奇異者也禮記曰晉獻文子成室晉大夫發焉張老曰美哉輪焉美哉奐焉潘岳關中記曰未央殿東有鳳凰殿春秋元命苞曰火離為鳳劉邵魏文帝詠曰鳳凰立翥象設既闢睟容已安

楚辭曰象設居室靜門安孟子曰君子仁義禮智信根于心色睟然見于

面盎于背睟潤澤之貌

桂深冬燠松疎夏寒

楚辭曰何所冬燠何所夏寒爾雅曰燠煖

也神足游息靈心往還

瑞應經曰佛已神足適鬱單曰界

勝幡西振貞

石南刊

維摩經曰降服四種魔勝幡建道場禰衡顏子碑曰乃刊玄石而旌之

齊故安陸昭王碑文

沈休文

公諱緬字景業南蘭陵人也

蕭子顯齊書曰安陸昭王緬字景業又曰蕭氏之先

蕭何居沛至孫侍中彪居東海蘭陵縣東都鄉中鄉里晉分東海為東蘭陵郡中朝亂淮陰令慙過江居晉陵武進縣僑置本土加以南名於是為南蘭陵人 稷契身佐唐虞有大功於天地

商武姬文所以膺圖受錄

王命論曰暨于稷契咸佐唐虞光濟四海奕世載德至于

湯武而有天下國語史伯曰夫成天地之大功者其子孫未嘗不章毛詩商頌曰武王載旆毛萇曰武王湯也春秋命歷序曰五德之運同徵符合膺錄次 相代尚書璇璣鈴孔子曰五帝出受錄圖 蕭曹扶翼

漢祖滅秦項以寧亂魏氏乘時於前皇齊握符於後

國語

太子晉曰自后稷以來寧亂及文武成康僅克安民周易曰時乘六龍以御天孝經鉤命決曰帝受命握符出

也 靈源與積石爭流神基與極天比峻

尚書曰導河積石至于龍門毛

詩曰崧高惟岳峻極于天

祖宣皇帝雄才盛烈名蓋當時

蕭子顯齊書曰太祖

皇考諱承之字嗣伯少有大志才力過人為冠軍將軍太祖即位追尊曰宣皇帝班固漢書贊曰武帝雄才大畧晉中興書曰諸葛誕名蓋海內又曰鄧遐氣蓋當時

考景皇帝舍道居貞卷懷

前代

蕭子顯齊書曰高帝即位追封兄道生為始安貞王明帝即位追尊始安貞王為景皇帝周易曰居

貞之吉順以從上也論語識曰仲尼居鄉黨卷懷道美宋均曰懷藏也

公舍辰象之秀德

體河岳之上靈

周易曰在天成象王弼曰象謂日月星辰孝經援神契曰五嶽之精雄聖四瀆

之精 氣蘊風雲身負日月

論衡曰谷子雲唐于高章奏百上筆有餘力然則賢者有

風雲之智故叶文萬牒莊子曰孔子圍於陳蔡之間太公往弔之曰子其意者修身以明汙昭昭若揭日月而

行司馬彪曰揭擔也立行可模置言成範仲長子昌言曰規矩可模者師傳之德也曹植

學宮頌曰言為英華外發清明內昭禮記曰和順積中而英華外發又曰

清明在躬天經地義之德因心必盡孝經曰夫孝天之氣志如神天經地義之德因心必盡

也毛詩曰簡久遠大之方率由斯至周易曰乾以易知因心則友簡久遠大之方率由斯至

知簡則易從易知則有親易從則有功有親則可久有功則可大可久則賢人之德可大則賢人之業毛詩曰

率由挹其源者游泳而莫測懷其道者日用而不知毛詩

曰泳之游之周易曰昭昭若三辰之麗于天滔滔猶四

百姓日用而不知



漬之紀于地

傳子曰二漢之臣爛如三辰之附長天又曰道教者昭昭然猶日月麗乎天春秋漢

含孽曰九卿法河海毛詩曰滔滔江漢南國之紀

六幽允洽一德無爽

典引曰神靈日

照光被六幽尚書曰德惟一動罔不吉

萬物仰之而彌高千里不言而斯

應

論語顏回曰仰之彌高周易曰默而成之不言而信存乎德行又曰君子居其室出其言善則千里之外

應之況其過者乎

若夫彈冠出仕之日登庸涖事之年

漢書曰王陽與

貢禹為友世稱王陽在位貢禹彈冠言其取舍同也尚書帝曰疇咨若時登庸又曰蒞事惟能

軍麾命

服之序監督方部之數斯固國史之所詳今可得畧也

周禮曰建大麾以田然麾旌旗之名州將之所執也命服爵命之服也方部四方州部也漢書武帝南置交趾

北置朔方之州凡十三部置刺史數  
謂等差也賈逵國語注曰簡畧也  
水德方衰天命未

改  
水德謂宋也左氏傳王孫滿  
曰今周德雖衰天命未改  
太祖龍躍俟時作鎮淮

泗  
蕭子顯齊書曰宋明帝以淮南孤弱以太祖假冠軍  
將軍鎮淮陰周易曰見龍在田時舍也或躍在淵自

試也孫卿子曰君子博學深謀修身端行以俟  
其時潘岳金谷會詩曰遂擁朱旄作鎮淮泗  
如仁夕

惕之志中夜九迴  
論語子曰桓公九合諸侯不以兵車  
管仲之力也如其仁如其仁周易曰

君子夕惕若厲司馬遷  
書曰賜一日而九迴  
龔世拯亂之情獨用懷抱  
廣雅曰龔

取  
深圖密慮衆莫能窺  
漢書劉向上疏曰  
智不可不深圖也  
公陪奉朝夕

從容左右蓋同王子洛濱之歲實惟辟疆內侍之年  
周書

晉平公使叔譽於周見太子與之言五稱而三窮歸告  
公曰太子昔行年十五而臣不能與言烈仙傳曰王子  
喬者周靈王太子晉也好吹笙作鳳鳴遊伊洛  
之間漢書留侯子張辟疆為侍中年十五也  
起子聖

懷發言中旨

晉中興書王敦上疏曰導動靜顧問起子聖懷

始以文學遊梁俄

而入掌綸誥

蕭子顯齊書曰緬為宋劬陵王文學中書郎遊梁謂相如也漢書曰梁孝王來朝從

遊說之士相如見而說之客遊梁禮記曰王言如絲其出如綸

蘭桂有芬清暉自遠

魏

賦曰信陵之名若蘭芬也楚辭曰椒桂羅以顛覆王逸注曰言已見先賢若椒桂之人劉琨勸進表曰茂勲格于皇天清暉光于四海

帝出于震日夜青光

言齊之興也周易曰帝出乎震震東方也

春秋元命苞曰孔子曰扶桑者日所出房所立其耀威蒼神用事精感姜原卦得震震者動而光故知周蒼代

殷者為姬昌人形龍顏長大精翼日衣青光宋表  
曰為日精所羽翼故以為名木神以其方色衣之方軌

茅社俾侯安陸

蕭子顯齊書曰齊受禪緬封安陸侯漢書曰江夏郡有安陸縣尚書緯曰天子

社東方青南方赤西方白北方黑上冒以黃土將封  
諸侯各取方土苴以白茅以為社毛詩曰俾侯于魯受

瑞析珪遂荒雲野

周禮曰典瑞掌王瑞鄭玄曰人執曰瑞瑞猶符信也楊子雲解嘲曰析人

之珪儋人之爵遂荒已見上文雲野雲夢之野

式掌儲命帝難其人

漢書疏廣曰太子國

儲副君也尚書禹曰惟帝其難之孔安國曰言堯帝亦以知人為難

公以宗室羽儀允膺

嘉選

蕭子顯齊書曰緬轉太子中庶子周易曰鴻漸于陸其羽可用為儀

協隆三善仰敷

四德

晉中興書烈宗詔曰桓冲協隆治道禮記曰行一物而三善皆得者唯世子而已其齒於學之謂也

故世子齒於學其一曰而衆知父子之道矣其二曰而衆知君臣之義矣其三曰而衆知長幼之節矣周易曰君子體仁足以長人嘉會足以合禮利物足以和義貞固足以幹事君子行此四德者故曰乾元亨利貞博

望之苑載暉龍樓之門以峻

漢書曰武帝戾太子及冠就宮上為立博望苑使通

賓客從其所好故多異端進者漢書成紀曰上嘗召太子出龍樓門獻替帷宸實掌喉唇

國語史黜謂趙簡子曰夫事君者諫過而賞善薦可而替否獻能而進賢帷宸帝座也禮記曰天子負斧宸孔融張儉碑曰聖皇

奉待漏之書銜如絲之旨

東觀漢記曰樊楚字

克亮命作喉唇

文高每當直事常晨駐

周書孔子曰文王得

車待漏如絲已見上文

前暉後光非止恒授

四臣丘亦得四友自吾得師也

前有光後有暉是非先後耶

公以密戚上賢俄而奉

次定曰車全書

文選

子

職蕭子顯齊書曰緬遷侍中越絕書曰吳王書

出納惟

允劍璽增華

尚書帝曰龍命女作納言夙夜出納朕命惟允應劭漢書儀曰侍中殿上稱制出則

陪乘佩璽把劍增華謂自庶子而益其榮華也

伊昔帝唐九官咸事熊豹臨戲

納言是司

漢書劉向上疏曰舜命九官濟濟相讓應劭曰尚書曰禹作司空棄后稷契司徒咎繇作

士師垂共工益朕虞伯夷秩宗夔典樂龍納言凡九官左氏傳曰昔高陽氏有才子八人檮戲大臨高辛氏有才子八人

仲熊叔豹

自此迄今其任無爽爰自近侍式贊權衡

蕭子

顯齊書曰世祖即位緬遷五兵尚書淮南子曰準繩連體權衡合德百五繇焉以定法式輔弼執玉以翼天子

也而皇情眷眷慮深求瘼

毛詩曰皇矣上帝臨下有赫鑒觀四方求民之莫班固漢

書引詩而為此瘼  
爾雅曰瘼病也

姑蘇與壤任切關河

與壤猶與區也  
韓康伯王述碑

曰述遷會稽太守淮海維揚皇基  
所託此蓋關河之重決決大邦

都會殷負提封百萬

史記曰夫吳有海鹽之饒章山之銅三江五湖之利亦  
江東一都會也西京賦曰百物殷阜薛綜注曰殷盛阜  
大也今為此負漢書曰天子畿方千里提封百萬井臣  
瓚案舊說云提最凡言大舉頃畝也李奇曰提舉也舉  
四方為內也韋昭  
曰積土為封限  
全趙之衽服叢臺方此為劣

鄒陽上  
書曰全

趙之時武力鼎士衽服叢  
臺之下者一旦成市也

臨淄之揮汗成雨曾何足稱

戰國策蘇秦說齊宣王曰臨淄之塗人肩  
相摩舉袂成幕揮汗成雨高誘曰揮振也

乃鴻騫舊吳

作守東楚

蕭子顯齊書曰緬出為吳郡太守吳質魏都  
賦曰我太公鴻飛兗豫劉琨勸進表曰奄有

舊吳牽秀祖孫楚詩曰受茲明命作守西  
疆漢書音義孟康曰舊名吳為東楚也

弘義讓以勗

君子振平惠以字小人

論語識曰伯夷叔齊義讓龍舉  
干寶晉紀曰丁固父覽以義讓

稱尚書武王曰勗哉夫子周書成王曰朕不知字民  
之道敬問伯父尚書王曰無或敢伏小人之攸箴

撫

同上德綏用中典

老子曰上德不德是以有德鍾會曰  
體神妙以存化者上德也周禮曰刑

平國用  
中典

疑獄得情而弗喜宿訟兩讓而同歸

漢書曰張  
湯以倪寬

為獄獄據以占法義決疑獄論語曾子曰上失其道民  
散久矣如得其情則哀矜而勿喜東觀漢記曰魯恭為  
中年令宿訟許伯等爭陂澤田積年州  
郡不決恭平理曲直各退自相責讓

雖春申之大啟

封疆鄧攸之緝熙氓庶不能尚也

史記曰楚考烈王立  
以黃歇為相號春申



君請封於江東王許之因城吳故墟以自為都也國語  
史伯謂鄭桓公曰加之以德可以大啟王隱晉書曰鄧  
攸字伯道為吳郡太守吳人餓死攸到表賑貸臺不時  
聽攸乃輒出倉米一郡蒙濟不受祿俸唯飲吳水毛詩  
曰緝熙文  
夏首藩要任重推轂楚辭曰過夏首而西浮  
王逸注曰夏首水口也

漢書馮唐曰臣聞上古王者遣將也跪而推  
轂曰閭以內寡人制之閭以外將軍制之 衿帶中流

地殷江漢

李尤函谷關銘曰函谷險要  
衿帶咽喉尚書曰九江孔殷

南接衡巫風雲

之路千里

衡巫三江名吳都賦  
曰徑路絕風雲通

西通鄧鄧水陸之塗三

七

左氏傳曰鄧南鄧人杜預曰鄧今鄧鄉縣南江水之  
北也鄧今潁川邵陵縣西南有鄧城蜀都賦曰水陸

所是惟形勝閭外莫先

漢書田肯曰秦形勝之國也閭  
外已見上文鄭玄禮記注曰閭

門限也

建麾作牧明德攸在

蕭子顯齊書曰緬轉郢州刺史周禮曰建大麾以封藩國

又曰八命作牧尚書王曰文王克明德慎罰

乃暴以秋陽威以夏日

孟子曰江漢以

濯之秋陽以暴之恭母遂曰周之秋於夏為盛陽也左氏傳曰鄭舒問於賈季曰趙衰趙盾孰賢對曰趙衰冬

之日趙盾夏之日杜預曰夏日可畏

澤無不漸螻蟻之穴靡遺

西征賦曰澤靡不漸

思無不逮尸子曰舜之行其猶河海乎千仞之漢亦滿之螻蟻之穴亦滿之

明無不察容光

之微必照

孟子曰日月有明容光必照焉趙岐曰容光小隙也言大明照幽微

由近而被

遠自己而及物

史記臯陶曰邇可遠在茲鄭玄曰此政由近可以及遠

惠與八風

俱翔德與五材竝運

聖主得賢臣頌曰思從祥風翔淮南子曰天有八風典引曰仁風翔

于海表左氏傳子罕曰天生五材民竝用之廢一不可

遠無不懷邇無不肅

阮嗣宗勸

晉王賡曰遠無不服邇無不肅

邑居不聞夜吠之犬牧人不覩晨飲之

羊

司馬彪續漢書曰劉寵字榮祖遷會稽太守徵入為將作大匠山陰縣民去郡數十里有若耶山中有五

六老公年皆七八十聞寵遷相率共送寵人齎百錢寵見勞來曰父老何乃自苦遠來皆對曰山谷鄙老生未嘗到郡縣佗時吏徵發不去民間或夜不絕狗吠竟夕民不得安自明府下車以來狗不夜吠吏希至民間年老遭值聖化聞當棄去故戮力來送寵謝之為選受一大錢故寵在會稽號為一錢其清如是家語曰孔子為大司寇初魯之販羊者沈猶氏常朝飲其羊以詐市人及孔子之為政也則沈猶氏不敢朝飲其羊也

譽

表六條功最萬里

漢書音義曰舊刺史所察有六條察民疾苦冤失職者察墨綬長吏以上

居官政狀察盜賊為民之害及大姦猾者察犯田律四時禁者察民有孝悌廉潔行修正茂才異等者察吏不簿入錢穀放散者所察不得過此漢書曰倪寬為郡內史課殿當免民恐失之輸租經屬不絕課更以最楊雄為益州刺史作節度曰刺史居深門之中總萬里之統者也還居近侍兼饗戎秩

蕭子

顯齊書曰緬還為侍中領驍騎將軍

侯府寄隆儲端任顯

魏畧曰中領軍

軍中候之官也漢書曰詹事秦官掌皇太子家

東西兩晉茲選特難羊琇願言

而匪獲謝琰功高而後至

晉諸公讚曰羊琇字稚舒泰山人通濟才術與世祖同年

相善謂世祖曰後富貴時見用作領護軍太子詹事世祖即位累遷左將軍中護軍特進何法盛晉中興書陳郡謝錄曰琰字璵度安少子也為輔國將軍距氏進號征虜左僕射領詹事

升降二宮令績

斯侯

蕭子顯齊書曰緬遣中領軍太子詹事

禁旅尊嚴主器彌固

蔡邕表逢碑曰

乃撫京邑總齊禁旅周易曰主器者莫若長子

禹穴神臯地埒分陝

漢書司馬遷南遊江

淮上會稽探禹穴西京賦曰寔惟地之奧區神臯表煥與曹植書曰召公與周公受分陝之任也

江左

以來常遞斯任東渚鉅海南望秦稽

子虛賦曰齊東渚鉅海南有琅邪孔

臯會稽記曰秦望山在州城正南史記曰始皇登之不望南海越絕書曰禹敕水到大越上茅山大會計吏更

名茅山淵藪晉萃荏蒲攸在

尚書曰今商王受為天下逋逃主萃淵藪左氏傳曰

子叔為政不忍猛而寬鄭國多盜聚人於荏蒲之澤

貨殖之民千金比屋

漢書千乘之國

必有千金之費者利有所并也

邪壘之內雲屋萬家

徐幹陳情詩曰踞蹕雲屋下嘯歌倚

華楹屋刑政繁舛舊難詳一南山羣盜未足云多

漢書曰王

或為費遵為高陵令會南山羣盜備宗數百人為吏民害於是王鳳薦遵徵諫議大夫守京兆都尉行京兆尹事旬月

間盜賊肅清蘇

渤海亂繩方斯易理

漢書曰上以龔遂為渤海太守問曰

林曰備音明渤海廢亂朕甚憂之卿欲何以息其盜賊遂曰臣聞治亂民猶治亂繩不可急也唯緩之然後可理臣願一切

以便宜從事上許焉

公下車敷化風動神行

蕭子顯齊書曰緬出為會稽太守漢書曰

班伯為定襄太守其下車作威吏民悚息謝承後漢書曰陰修敷化二郡威教克平太玄經曰風動雷興謝承

後漢書曰威令誠恕既孚鉤距靡用

杜預左氏傳注曰孚大信也漢書曰

趙廣漢守京兆尹廣漢善為鉤距以得事情鉤距者欲知馬價則先問狗已問羊又問牛然後及馬參伍其價

以類相推則知馬之賤貴不失實矣晉灼曰鉤致也距  
閉也設欲知馬價先問狗又問羊然後及馬使對者無  
疑以知馬價示若不問而

不待赭汙之權而姦渠必翦

漢書曰張敞守京兆尹召見諸偷酋長數人因貰其罪  
犯宿負令致諸偷以自贖偷長曰今一旦召詣府恐諸  
賊驚駭願一切受署敞皆以為吏遣歸假置酒小偷悉  
來負飲酣偷長以赭汙其衣吏坐里閭閱出者有赭輒  
收縛之一日捕得數百人盡行法罰

尚書曰殲厥渠魁孔安國曰渠大也無假里端之籍而

惡子咸誅

歌錄曰鴈門太守行曰外無猛政內懷慈仁  
文武備具課民不貧移惡子姓偏著里端

被以哀矜孚以信順

哀矜已見上文

南陽葦杖未足比其仁

范曄

後漢書曰劉寬字文饒弘農人也遷南陽太守吏民有  
過但用罰之示辱而已然終不加苦韓詩外傳孔子曰

水之精為土老蒲為葦願無怪之  
曹植對酒歌曰蒲鞭葦杖示有刑  
潯時雨無以豐其

澤趙岐三輔決錄曰茂陵郭伋為潯川化如  
時雨摯虞曰伋字細侯光武拜潯川太守公攬轡升

車牧州典郡

范曄後漢書曰范滂為詔使登車攬轡南  
澄清天下之志蔡邕橋玄碑曰改一州典

五郡也

感達民祇非待期月

論語子曰苟有用我者期月而已可也三年有成

老

安少懷塗歌里詠

論語子曰老者安之少者懷之

莫不歡若親戚芬若

椒蘭

孫卿子曰夫暴國之君將誰與至哉其所與至必  
其民也而其民之親我若父母其好我芬若椒蘭

漢書刑法志曰鄰國望  
我歡若親戚芬若椒蘭

麾旆每反行悲道泣攀車卧轍

之戀爭塗忘遠

東觀漢記曰秦彭字國平為開陽城門  
侯後拜潯川太守老弱啼號填道又曰



侯霸字君房王莽敗霸保守臨淮更始元年遣謁者侯  
威齋璽書徵霸百姓號呼哭泣遮使者或當道卧皆曰

願復留去思一借之情愈久彌結漢書曰何武為兗州  
刺史徙京兆尹其所

居亦無赫赫名去後常見思東觀漢記曰寇恂為河內  
太守徵入為金吾潁川盜賊羣起車駕南征恂從至潁

川盜賊悉降百姓遮道曰願從方城漢池南顧莫重左  
氏

傳屈完曰方城以北指峻潼平塗不過七百峻二峻也  
雍州圖經

為城漢水以為池北指峻潼平塗不過七百西接嶢武關路曾不

曰潼水華陰縣界伏滔正淮論曰西接嶢武關路曾不

盈千漢書音義應劭曰嶢山之關也李奇曰在上洛北  
大潁曰武關在析西王隱晉書庾翼表曰襄陽北

去河洛不蠻陬夷徼重山萬里魏都賦曰蠻陬夷落張  
揖漢書注曰徼塞也以

盈千里

文選

三十五

木柵水為夷狄界也魏都賦曰由重山之東阮

小則俘民畧畜大則攻城剽邑

賈逵國語注曰伐國取人曰俘漢書晁錯上兵事曰胡虜小入則小利大入則大利攻城屠邑驅畧畜產史記

曰盜賊滋起大羣至數千人攻城剽邑小羣盜以百數掠鹵鄉里方言曰畧強取也

晉宋迄今有

切民患烽鼓相望歲時不息椎埋穿掘之黨阡陌成羣

史記曰攻剽椎埋掘冢皆為日用耳徐廣曰椎殺人而埋之或謂發冢也

傲法侮吏之人曾

莫禁禦累藩咸受其弊歷政所不能裁

賈逵國語注曰裁制也

加

以戎羯窺窬伺我邊隙

朱鳳晉書曰前後徙河北諸郡縣居山間謂之羯胡劉琨勸進

表曰狡寇窺窬伺國瑕隙

北風未起馬首便以南向

魏志臧洪荅陳琳書曰秋風揚

盧伯珪馬首南向

塞草未衰嚴城於焉早閉

李陵與蘇武書曰涼秋九月塞外草

衰抱朴子鮑生曰人君恐姦豐之不虞故嚴城以備永

之戰國策子楚謂秦王曰臣恐邊境早開晚開也

明八載疆場大駭  
吳均齊春秋曰永明八年匈奴寇胸山左氏傳沈尹戌曰吳新有疆場之

駭國語曰昔師大駭楊雄集上

天子乃心北眷聽朝不

書曰候騎至甘泉京師大駭

揚旆漢南非公莫可

蕭子顯齊書緬為雍

怡司馬遷書曰主上食不甘味聽朝不怡

於是驅馬原隰卷甲

州刺史籍田賦曰九旗揚旆呂氏

春秋曰漢南之國聞湯之德歸之於是驅馬原隰孫子兵法

遄征毛詩曰驅馬悠悠又曰于彼原

曹植詩曰指日遄征威令

首塗仁風載路

李尤武功歌曰恩普洽威令行首塗猶首路也謝承後漢書序曰徐淑戎

車首路續晉陽秋曰謝安賞袁宏為機對辯速宏為東郡安取一扇授之聊以贈行宏應聲曰輒當奉揚仁風

慰彼黎庶毛詩

曰厥聲載路

軌躅清晏車徒不擾

漢書音義曰躅迹也

牛酒日

至壺漿塞陌

漢書廣武君謂韓信曰不如案甲休兵百里之內牛酒日至以饗士大夫孟子曰葛

伯不祀湯征之其君子寶玄黃于篚以迎君子小人簞食壺漿以迎小人

失義犬羊其來久

矣

漢書名臣奏曰大尉掾應劭等議以為鮮卑隔在漠北犬羊為羣

徵賦嚴切唯利是

求

左氏傳晉呂相告秦曰秦雖與晉出入秦唯利是視又曰唯好是求

首鼠疆界災蠹彌

廣

漢書曰蚡謂韓安國與長孺共一秃翁何為首鼠兩端音義曰首鼠一前一却也說文曰蠹木蟲也以喻

賊殘

公扇以廉風孚以誠德盡任常置水之情引郭伋待

期之信

東觀漢記曰龐參字仲達拜漢陽太守郡民任棠者有奇節參到先候之棠不與言但以齋一

本水一杯置戶屏前自抱孫兒伏於戶下參思其微意良久曰棠是欲曉太守也水者欲吾清也拔大本齋欲吾擊強宗也抱兒當戶欲吾開門恤孤也於是數息而還參在職果能抑豪助弱以惠政得民司馬彪續漢書郭伋拜并州牧行部西河到美稷數百小兒各騎竹馬逢迎伋問曰兒曹何自遠來對曰聞使君到喜故來迎伋謝曰辛苦諸童小兒復送至郭門外問使君何日當還伋謂別駕計日告之行部還入美稷先期一日伋念負諸兒即止一亭須期乃往金如粟而弗覩馬如羊而伋重信得人心皆此類也

靡入

范曄後漢書曰張奐字然明燉煌人也遷安定屬國都尉羌戎豪帥感奐恩德上馬二十四先零酋

長久遺金鑠八枚奐竝受之而召主簿於諸羌前以酒酹地曰使馬如羊不以入廄使金如粟不以入懷悉以

金馬雛雉必懷豚魚不爽

東觀漢記曰魯恭為中牟令時郡國螟傷稼犬牙緣界不

入中年河南尹袁安聞之疑其不實使仁恕掾肥親往察之恭隨行阡陌俱坐桑下有雉過止其傍傍有童兒親曰何不捕之兒言雉方將雛親曰所以來者欲察君之化迹耳蟲不犯境此一異也化及鳥獸此二異也豎子有仁心此三異也具以由是傾巢舉落望德如歸廣雅

狀言安周易曰信及豚魚

曰落謂村居也左氏傳曰衛

遷邢于夷儀邢遷如歸也

椎髻髻首日拜門闕

漢書

佗魁髻箕踞淮南子曰三苗髻首

卉服滿塗夷歌成韻

尚書曰鳥夷卉服蜀都賦曰夷

歌成章范曄後漢書曰益州刺史朱輔上疏曰白狼王唐叢等慕化歸義作詩三章也

禮義既敷

威刑具舉

公羊傳曰既者何盡也毛萇詩傳曰具俱也

疆民獷俗反志遷情

韓詩曰獺彼淮夷薛君曰獺覺寤之貌劉駒餘與李子堅書曰吏民彊獺比屋為賊獺古猛切風塵不

起囹圄寂寞

東觀漢記曰蔡彤為遼東太守野無風塵魏都賦曰囹圄寂寞

富商野次

宿秉停菑

國語叔向曰絳之富商韋藩以過於朝范曄後漢書曰王渙字稚子廣陵人除溫令境內

清夷商人露宿於道毛詩曰彼有遺秉此有滯穗又曰于彼菑畝毛萇曰田一歲曰菑

蜚蝗弗起

豺虎遠跡

范曄後漢書曰宋均字叔平南陽人也遷九江太守郡多虎暴數為民患常設檻穽而猶

多傷害均到下記屬縣可一去檻穽除削課制其後傳言虎相與東渡江後山陽楚沛多蝗其飛至九江東界

者輒東西散去

北狄懼威關塞謐靜偵諜不敢東窺駝馬不敢

南牧

偵伺也鄭玄周禮注曰諜賊反間為國賊者范曄後漢書曰鮮卑寇遼東蔡彤擊之虜大破不敢復

闕塞過秦論曰胡人不敢南下而收馬

方欲振策燕趙席卷秦代

遇秦論曰振長

筴而御宇內又曰

陪龍駕於伊洛侍紫蓋於咸陽

楚辭曰龍

有席卷天下之意

駕兮帝服聊翱翔兮周章傳玄

乘輿馬賦曰紫蓋漂以連翩

而邁疾彌留欵焉大漸

尚書曰疾大漸惟

耕夫釋耒桑婦下機

曹植荀侯誄曰機女投杼農夫

輟耕也

參請門衢竝走羣望

左氏傳曰乃大

維永明九年

夏五月三十日辛酉薨春秋三十有七城府颯然庶僚

如賈

颯然吹木葉落貌

男女老幼大臨街衢

潘岳荀或碑曰男女老幼里號巷哭

接響傳聲不踰時而達于四境

臧榮緒晉書曰羊祜薨於是街衢塗巷傳哭接



音邑里  
相連

夷羣戎落幽遠必至望城拊膺震動邪邑竝求

入奉靈櫬藩司抑而弗許雖鄧訓致劈面之哀羊公深

罷市之慕

范曄後漢書曰鄧訓字平叔遷護烏桓校尉病卒官吏民羌胡愛惜旦夕臨者數千人戎

俗父母死

恥悲泣皆騎馬歌呼至聞訓卒莫不號跳或以刀自割又刺殺其犬馬牛羊曰鄧使君已死我曹亦

俱死耳晉諸公壻曰羊祜薨贈太傅南州以市日聞喪即號哭罷市

對而為言遠有慙德

尚書曰惟有慙德

神駕東還號送踰境

蕭子顯齊書曰緬喪還百姓緣汜水悲泣

奉

觴奠以望靈仰蒼天而自訴

蕭子顯齊書曰百姓設祭於峴山鄭玄周禮注曰喪

所薦饋曰奠韓詩曰萬人顯顯仰天告訴

震響成雷盈塗咽水

周易曰震動也漢中山靖

王曰聚蚊成雷江衛與荀仲茂牋曰舉國顯顯歎慕盈塗公臨危審正載貽話言

說文

曰話會合善言也

楚囊之請惟幾而彌固

左傳曰楚子囊伐吳還將死而遺言謂子

庚必城郢君子謂子囊忠君薨不忘增其名將死不忘衛社稷可不謂忠乎尚書曰疾大漸惟幾孔安國曰幾

危衛魚之心身亡而意結

韓詩外傳昔衛大夫史魚病且死謂其子曰我數言蘧伯

玉之賢而不能進彌子瑕不肖而不能退死不當居喪正堂殯我於室足矣衛君問其故子以父言聞君召伯玉而貴之彌子瑕退之徙殯於正堂二宮軫慟遐邇同哀追贈侍中領衛

將軍給鼓吹一部謚曰昭侯時皇上納麓在辰登庸伊

始皇上明帝也尚書曰納于大麓烈風雷雨弗迷孔安國曰麓錄也堯納舜使大錄萬機之政尚書曰若時

登允副朝端蕪掌屯衛

蕭子顯齊書曰明帝初為右僕射加領衛尉晉中興書謝安石

上疏曰尸素朝端忽焉五載漢書曰城門校尉掌京師城門屯兵

聞凶哀震感絕移時

因邁沈疴繇留氣序世祖日夜憂懷備盡寬譬

世祖武帝臧榮

緒晉書賀循牋曰日夜憂懷慷慨發憤寬譬見下文

勉膳禁哭中使相望

東觀漢記曰樊

修至孝母終上遣中黃門朝暮餐食吳志曰朱然寢疾孫權夜為不寢中使醫藥口食之物相望於道

上

雖外順皇旨內殷私痛獨居不御酒肉坐卧泣涕霑衣

毛萇詩傳曰殷憂也東觀漢記曰齊武王以諧戀遇害上與眾會飲食笑語如平常馮異侍從親近見上獨居

不御酒肉坐卧枕席有泣涕處異獨入叩頭寬解上意

若此移年癰

求俱

瘠改貌

爾雅

曰臞瘠也與

天倫之愛振古莫儔

穀梁傳曰兄弟天倫也何休曰兄弟先後

天之倫次也毛詩曰匪今斯

今振古如茲毛萇曰振自也及俯膺天眷入纂絕業

蕭子

顯齊書曰紀曰太后廢海陵王以上入纂太祖爾雅曰纂繼也漢書司馬遷曰惟漢接三代絕業

分命

懿親台牧竝建

尚書曰分命羲叔左氏傳富辰曰兄弟雖有小忿不廢懿親春秋漢舍尊曰三

公在天法三

對繁弱以流涕望曲阜而含悲

左氏傳子魚曰周公

相王室以尹天下於周為睦兮魯公以大路大旂夏后氏之璜封父之繁弱尚書曰魯侯伯禽宅曲阜

改

贈司徒因謚為郡王禮也惟公少而英明長而弘潤風

標秀舉清暉映世學徧書部特善玄言肇悅之麗篆籀

之則

法言曰今之學者非獨為之華藻也又從而繡其

藻也中帶皆文之如繡也漢書史

窮六義於懷抱究八

體於毫端

毛詩序曰詩有六義焉一曰風二曰賦三曰比四曰興五曰雅六曰頌漢書八體六技韋

昭曰一曰大篆二曰小篆三曰刻符四曰蟲書五曰摹印六曰署書七曰殳書八曰隸書

奕思之微

秋儲無以競巧

孟子曰奕秋通國之善奕者也儲謂儲蓄精思也馬融曰廣成頌曰儲積山藪

廣思取睽之妙流睇未足稱奇

周易曰弦木為弧剡木為矢弧矢之利以威天下

下蓋取諸睽幽通賦曰養流睇而猿號李虎發而石開

至公以奉上鳴謙以接下

周易曰鳴謙貞吉中心得也尚書曰奉先思孝接下思恭

撫僚庶盡盛德之容交士

林志公侯之貴

辨亡論曰按上盡盛德之客吳志魯肅曰不失下曹從事交遊士林

虛懷

博納幽關洞開

鄒潤甫為諸葛穆荅晉王命曰雖曰博納虛懷下開幽關已見上文西征賦曰

胸中豁其洞開

宴語談笑情瀾不竭

毛詩曰燕笑語兮是以有譽處兮世說曰王太尉云

郭子玄語議如懸河寫水注而不竭

譽滿天下德冠生民

孝經曰言滿天下無口過干寶

晉紀武帝詔曰蓋德冠生民必饗不泯之榮

蓋百代之儀表千年之領袖

荀氏

家傳曰荀彧德行周備名重天下莫不以為儀表王隱晉書曰魏舒為相國參軍晉王特加器敬每朝會罷坐

而目送之曰魏舒堂堂實曰人之領袖也

會不慙留梁摧奄及

左氏傳孔丘卒公誅之曰

昊天不弔不慙遺一老禮記曰孔子早起負手曳杖逍遙於門歌曰太山其頽乎梁木其壞乎

豈唯僑

終蹇謝興謠輟相而已哉

僑子產也左氏傳曰子產從政一年與人誦之曰取我衣

冠而褚之取我田疇而伍之孰殺子產吾其與之及三年又誦之曰我有子弟子產誨之我有田疇子產殖之子產而死誰其嗣之潘岳賁諫曰秦亡蹇叔春者不相杵史記趙良曰五殺大夫死春者不相杵史記以為五殺而云蹇叔未詳潘沈之旨

凡我僚舊均哀共戚怨天德之無厚痛

棠陰之不留

周易曰用九天德不可為首也鄧析子曰天於人無厚也何足以言之天不能令天

折之人更生為善之民必壽此於民無厚也淮南子曰日朝發扶桑入于落棠高誘曰扶桑日所出落棠山日所入

思所以克播遺塵敞之穹壤

魏都賦曰列聖之遺塵曹植露盤頌曰敞

之天壤以顯元功

乃刊石圖徽寄情銘頌其辭曰天命玄鳥降

而生商

毛詩商頌文也

是開金運祚始玉筐

金謂殷鄒子曰五德從可不勝虞土

夏木殷金周火呂氏春秋曰有娥氏有二佚女為九成之臺飲食以鼓帝命燕往視之鳴若監監二女愛而爭搏之覆以玉筐少選發而視之驚遺卵而北飛遂不反高誘曰帝天也天命驚降卵於有娥氏女吞之生契

三仁去國五曜入房

論語曰微子去之箕子為之奴比干諫而死孔子曰殷有三仁焉春

秋元命苞曰殷紂之時五星聚房房者蒼神之精周據而興

亦白其馬侯服周王

毛詩

序曰有客微子來見祖廟詩云有客有客亦白其馬又曰侯服于周天命靡常本枝派別因菜

命氏

微子之後食邑於蕭因氏焉毛詩曰文王子孫本枝百世吳都賦曰百川派別漢書曰揚雄之先初

食菜於晉之揚因氏焉左氏涉徐而東義均梁徙

謂從蘭陵



也王隱晉書曰徐州部東海郡蘭陵縣班固高紀贊劉  
向曰戰國時劉氏自秦獲於魏秦滅魏遣大梁都豐故  
周市說雍齒曰豐故梁徙也頌  
高祖云涉魏而東遂為豐公  
自茲以降懷青拖紫解

以夕音拖紫  
朱丹其戟

崇基巖巖長澗瀾瀾

毛詩曰節彼南山維石  
巖巖又曰新臺有泚河

水瀾瀾

惟聖造物龍飛天步

莊子孔子曰夫造物者為人  
司馬彪曰造物謂道也周易

曰飛龍在天利見大人毛  
詩曰天步艱難之子不猶

載鼎載革有除有布

鼎革二  
卦名也

周易曰井道不可不革故受之以革革物者莫若鼎故  
受之以鼎漢書音義文穎曰字星多為除舊布新改易

君上也

高皇赫矣仰膺乾顧

曹府君陳寔謀曰赫矣陳君  
毛詩曰乃眷西顧此維與宅

景皇蒸哉實啟洪祚

毛詩曰文王蒸哉藩岳羊夫人  
益策文曰光啓洪祚慶流萬國  
喬

嶽峻峙命世興賢

毛詩曰崧高維嶽峻極于天維岳降神生甫及申鄭玄曰福祚興於子孫

命世已見上文應期誕德絕後光前

應五百歲之期也曹植上文帝誄表曰階青雲而誕

德晉起居注安帝詔曰元功盛德超前絕後

幾以成務覺在民先

周易曰夫幾者動之

微又曰夫易開物成務孟子伊尹曰天之生斯民也先覺覺後覺也予天民之先覺者也

位非大寶

爵乃上天

周易曰天地之大德曰生聖人之大寶曰位孟子有天爵有人爵仁義忠信樂善不倦此

天爵也公卿大夫此人爵也

爰始濯纓清猷濬發

楚辭曰滄浪之水清可以濯吾纓毛

詩曰濬哲維商長發其祥

升降文陛逶迤魏闕

漢書梅福上疏曰願一登文石之陛涉赤

墀之塗夏侯稚景福殿賦曰乃涉乎文陛以登華殿呂氏春秋中山公子牟謂詹子曰身在江海之上心居乎

魏闕之下高誘曰惠露霑吳仁風扇越陸機謝成都王

止於涉夏踰漢政成期月楚辭曰江與夏之不可涉夏水名也尚書曰適于漢期月

已見上文用簡必從日新為盛周易曰簡則易從又曰日新之謂盛德在上哀

矜臨下莊敬哀矜已見上文論語曰季康子問使草木民以敬如之何子曰臨之以莊則敬草木

不夭昆蟲得性毛詩序曰周家忠厚仁及草木又曰民樂其有靈德以及鳥獸昆蟲焉我

有芳蘭民胥攸詠芳蘭即上芳若椒蘭也羣夷蠢蠢巖別嶂分爾雅

動也傾山盡落其從如雲毛詩曰齊子歸止其從如雲挈妻荷子負

戴成羣莊子曰邠人謂邠王曰挈吾妻子以從王乎又曰石戶之農夫負妻戴子入海也回首

請吏曾何足云

封禪書曰昆蟲聞澤迴首面內漢書曰  
印竿之君長聞南夷與漢通請吏比南

夷昔聞天道仁罔不遂

老子曰天道無親常與善人論  
語子曰仁者壽莊子曰聖也者

遂於命者也

彼蒼如何興山止簣

毛詩曰彼蒼者天殲我  
良人止簣已見上文

四

牡方馳六龍頓轡

毛詩曰駕彼四牡四牡項領頓轡喻  
死也楚辭曰貫鴻濛以東揭兮維六

龍於扶桑王逸注曰結我車轡於扶桑  
以留日行幸得延年壽也頓猶舍也

斯民曷仰邦國

殄瘁

毛詩曰人之云  
亡邦國殄瘁

齊殞晏平行哭致禮

晏子曰齊景  
公遊於淄晏

子死公擊駟而馳自以為遲下車而趨知不如車之駛  
則又乘之比至國四下而趨至則伏尸而哭曰百姓誰

復告我  
惡耶

趙徂昌國列邦揮涕

史記曰樂毅為燕伐齊破  
之封樂毅於昌國昭王卒

燕惠王疑毅毅降趙趙號曰望諸君而卒於趙潘岳大宰  
魯公碑曰趙喪望諸列國同傷家語敬姜曰無揮涕涕  
以手揮之也況我君斯皇之介弟

左氏傳伯州犂謂皇頡曰夫子為王子圍寡君之貴

介弟哀感徒庶慟興雲陞

左思七畧曰閭甲弟之廣哀建雲陞之嗟哉

階毀

留攢川汎歸軸

禮記曰君殯用輜攢至于上鄭玄曰攢猶叢也殯君棺以龍輜叢不題湊象椁

儀禮曰遷于祖用軸鄭玄曰軸輅也

競羞野奠爭攀去轂遵渚號追臨波

望哭

毛詩曰鴻飛遵渚范曄後漢書曰祭遵喪至河南車駕臨之望哭哀慟

無絕終古惟

蘭與菊

楚辭曰春蘭兮秋菊長無絕兮終古

塗由帝渚朱軒靡駕

楚辭曰帝子降

兮北渚尚書大傳曰未命為士不得乘朱軒

東首塋園即宮長夜

廣雅曰首句也漢書

音義如淳曰塋冢田也禮記曰孔悝鼎銘曰即逝川無

待黃金難化

逝川已見上文史記少君言上曰祠竈則致物而丹砂可為黃金黃金成以為飲食

器則益壽

鐘石徒刊芳猷永謝

吳越春秋樂師謂越王曰君王德可以刻之金石王逸楚

辭注曰謝去也

墓誌

吳均齊春秋王儉曰石誌不出禮典起宋元嘉顏延之為王琳石誌

劉先生夫人墓誌

蕭子顯齊書曰太祖為劉獻取王氏女獻卒天監元年下詔為

獻立碑號曰貞簡先生王僧孺劉氏譜曰獻取王法施女也

任彥升

既稱萊婦亦曰鴻妻

列女傳曰老萊子逃世耕於蒙山之陽或言之楚王楚王遂駕車至

老萊之門楚王曰守國之孤願變先生老萊曰諾妻曰妾聞之居亂世為人所制此能免於患乎妾不能為人所制者投其畚而去老萊乃隨之又曰梁鴻妻者同郡孟氏之女也德行甚修鴻納之共逃逃霸陵山中後復相將至會稽賃春為事雖雜傭保之中妻每進食常舉案齊眉不敢正視以禮修身所在敬而慕之

復有

令德一與之齊

曹植王仲宣誄曰既有令德材技廣宣禮記曰信婦德也一與之齊終身不改

實佐君子簪蒿杖藜

毛詩序曰又當輔佐君子求賢審官東觀漢記曰梁統與杜林書曰

君非隗囂不降志辱身至簪蒿席草不食其粟莊子曰子貢見原憲原憲杖藜應門

欣欣負載在

冀之畦

音攜漢書曰朱買臣常刈樵其妻亦負載相隨左氏傳曰曰季過冀見冀缺耨其妻饁之敬相

待如賓

居室有行亟聞義讓

言初居室及於有行俱聞義讓故曰亟也列女傳鮑蘇妻

曰如不教我以居室之行毛詩曰女子有行左氏傳趙衰曰臣亟聞其言矣

稟訓丹陽弘風

丞相

蕭子顯齊書曰獄晉丹陽尹悵六葉孫也然其妻王氏丞相適之後也

籍甚二門風

流遠尚

漢書曰陸賈遊漢庭公卿間名聲籍甚習鑿齒晉陽秋曰王夷甫樂廣俱宅心事外言風流者

稱王樂焉

肇允才淑閭德斯諒

毛詩曰肇允彼桃蟲又曰窈窕淑女禮記曰內言不出於

閭鄭玄曰閭門限也毛萇詩傳曰諒信也

蕪沒鄭鄉寂寥楊冢

范曄後漢書曰鄭玄字康

成北海人也國相孔融深敬玄屣屣造門告高密縣為玄特立一鄉曰齊置士鄉越有君子軍皆異賢之意也今鄭君鄉宜曰鄭公鄉七畧曰楊雄卒弟子侯芭負土作墳號曰楊冢

參差孔樹毫末成



拱

皇覽聖賢冢墓誌注曰孔子冢在魯城北泗水南冢

塋中樹以百數皆異種人傳言孔子弟子異國人各

持其國樹來種之其樹柞枌雄離五味槐檀之樹魯人

莫之識老子曰合抱之木生于毫末公羊傳曰泰伯謂

塞叔曰爾之年老暫啟荒埏長扃幽隴

蕭子顯齊書曰王氏被出今云

冢上之木拱矣合葬蓋獄卒之

後王氏宗合之夫貴妻尊匪爵而重

喪服傳曰夫尊於朝妻貴于室潘岳

夏侯湛誄曰惟爾之存匪爵而貴

文選卷五十九